



Wasa Rice 200g
Em Skel Ya
GROWN FOR THE PEOPLE OF PNG



LAS TAIM: Gren Sif Sir Michael Somare i kam aut long Palamen long belo bi-hain long em sindaun long Semba long moning sesen. Dispela palamen sindaun em las taim bilong Gren Sif Sir Michael Somare long sindaun. Palamen bai tokaut long wanem taim ol bai tok gutbai long em. *Poto Nicky Bernard*

Makim odit komiti long sekim ripot bilong distrik mani - Temu

Paul Zuvani i raitim

PABLIK Sevis Minista na Memba bilong Abau Sir Puka Temu i tok Gavman mas makim wanpela indipenden odit tim long sekim mani i go long ol provins na distrik.

Dispela rot bai save sapos ol provins na distrik i yusim provinsal sevises impruvmen program (PSIP) na distrik sevises impruvmen program (DSIP) mani stret long ol projek ol i tok long kamapim.

Em i mekim dispela tok bihain long askim bilong Gavana bilong Jiwaka Dokta William Tongamp sapos gavman i gat opis we em i ken save tru sapos mani em i givim long ol provins na distrik i go stret long ol projek olsem ripot bilong ol distrik i tok.

Tupela memba i mekim dispela tok long samit o kibung bilong ol Memba bilong Palamen

wantaim hetman bilong ol Dipatmen na Gavman Oganais-esen long Mosbi long dispela wik.

“Mi laik save Gavman i gat opis we i save sapos ripot mipela i kamapim long PSIP na DSIP mani ripot i stret na tru o yupela i kisim tasol ripot mipela i kamapim?” Dokta Tongamp i askim.

“Olsem wanem yu save ripot mipela i kamapim i tru? Sapos mi tok wanpela projek em kost K10 milien tasol long yusim tasol K4 milien na K6 milien i go long narapela hap, bai yu no inap save.”

Long sapatim tok bilong Gavana, Sir Puka i tok i gutpela long gavman i makim wanpela indipenden odit tim o grup i mekim ripot bilong ol na save tru sapos ripot Memba na komiti bilong em tru na stret.

Moa long pes 2...

INSAIT

Today
bilong mun Mas i stap insait - P 9, 10, 19 na 20



Laipestail

Lukim ol Samit poto long pes 14



PNG Air

Yu Gat Sois

Bukim Tiket
7222 2151
Fri Kol: 16111

Onlain Bukim Tiket:
www.pngair.com.pg

Pablik sekta lida redi long mekim wok



Profesa Lekshmi Pillai, Eksekutiv Din Bisnis na Pablik Polisi skul bilong Yunivesiti bilong Papua Niugini na Miss Taies Sansan, Deputi Seketari bilong Pesenel Menesmen Dipatmen. Foto: AHC

INAP long 25 namba wan pablik seven i stap long Pasifik Lidasip na Gavanens Prinsip- Lida bilong bihain taim long Pot Mosbi.

As tigtting bilong dispela program em long strongim pablik sekta long mekim gut wok na givim servis long ol manmeri.

Dispela i namba wan taim long kain trening i kamap na i kisim olsem tupela wik long ranim.

Long program ol manmeri i lainim gutpela na stretpela rot bilong tigtting na mekim disisen, long rot bilong abrusim ol taim nogut, rot bilong mekim ol pablik disisen na stap olsem lida.

Fiutsa Lida Program i PNG Institut bilong Pablik Etmnistresen (PNGIPA) na Skul bilong Bisnis long Yunivisiti bilong Papua Niugini i ranim wantaim ol patna bilong Prinsip.

Bihain long dispela ol namba wan lain i gat bilip nupela lain opisa bai kamap

long wankain trening na dispela kain trening bai ran inap em i pinisim 10-pela mun long yia.

Pasifik Lidasip and Gavanens Prinsip i patnasip program namel long Gavman bilong Papua Niugini na Australia.

Dipatmen bilong Pesenel Menesmen nau i wok long kisim eplikesen bilong ol namba tu lain long go long kos long Me.

Long taim bilong opim program Deputi Seketeri bilong Pesenel Menesmen Taies Sansan i tok ol i luksave pinis long ol lidaman bilong bihain taim olsem na ol bai makim ol.

"Kantri bilong mipela i laikim ol lida long pablik servis long mekim ol strongpela na gutpela disisen," Ms Sansan i tok.

"Ol i makim yupela bikos yupela i soim ol mak bilong stap lida na olsem yupela i ken go long dispela trening.

"Mipela i bilip yupela i gat

strong na mekim ol disisen we i ken strongim kantri na dispela program bai helpim yupela gut."

Ol opisa husat i bin kamap long namba wan trening i kam long ol provins.

Na i gat inap namba bilong ol man na meri wantaim i kamap long dispela trening.

Australia Hai Komisen Kaunsil bilong Ikonmik Gavanens, Jodie McAlister i tok Fiutsa Lida Program bai helpim ol opisa long wok gut long bungim nids o ol samt-ing ol manmeri long kantri i sot long em.

"Long taim moa wok i go long provinsal na distrik level i mas gat ol gutpela lida long redi long mekim wok," Mis McAlister i tok.

"Prinsip i kamapim trening program long helpim ol pablik servis long tigtting gut na mekim ol gutpela disisen."

"Wantaim gutpela stat bilong program, yupela i ken gat bilip olsem dispela trening bai go moa yet."

Makim odit komiti long sekim ripot bilong distrik mani - Temu

I kam long pes 1...

"Mi lukim taim politikal lida na birokratik lida i wok bung ol i save kamapim moa wok tasol taim ol i no wok bung no gat wok i kamap," em i tok.

"Patnasip namel long ol lida i bikpela samtng.

"Dispela i wankain long wok bung namel long Gavana na ol distrik memba.

"Long save tru long ol projek we ol i kamapim mi askim sapos wanpela indipenden odit tim i mas sekim ol wok na kamapim

riport moa long Opis bilong Rurel Developmen.

"Bikos wantaim kain ripot mipela bai save sapos ripot memba i mekim i tru o no gat."

Long bekim Minista bilong Nesenel Plening Charles Abel i tok em i tru Gavman i gat ol kain hevi i stap tasol i wok yet long stret.

Em i tok as bilong Gavman i putim bikpela mani i go long ol distrik na provins em bikos gavman i laik servis i kamap.

Em i tok gavman i gat ol ejensi olsem Opis bilong Rurel Developmen (ORD) long mekim wok tasol bikos long hevi bilong mani na opisa, dispela opis i no mekim wok gut olsem em i mas mekim na gavman i wok hat long strongim dispela opis.

Long olgeta yia Gavman i save putim K10 milien long wan wan provins olsem PSIP na narapela K10 milien long wan wan ol distrik.

Juffa tokaut long pati polisi bilong PMC

Shirley Gar i raitim Upng jenelism sumatin

LIDA bilong "People's Movement of Change," (PMC) na gavana bilong Oro, Garry Juffa i tokaut long ol sampela polis i na fokus bilong Pat i long Fonde 23 Mas long Nesenel Riset Institut (NRI).

Dispela em tigtting bilong NRI long bringim olgeta Politikal Pati i kamtokaut long Polisi bilong ol. PMC pati i bin namba 4 pati long toktok las wik. Embeseda bilong Frans na meri makim US embesi i bin stap tu long dispela taim.

PMC i toktok long 9-pela poilisi bilong en na bringim tigtting bilong ol manmeri long luksave long ol hevi we Gavman mas lukluk long en.

PPC bin stat long yia 2011 aninit long 3-pela. Rispek, Ona na Disiplin. Insait long toktok bilong Juffa, em i tromoi wanpela tok olsem

"Yupela givim mi pawa na bai mi inap long mekim gutpela servis insait long Gavman. "Bildim Nesen em i moa impoten long bildim Gavman," Juffa i tok.

Dispela ol Polisi em 1. Good Governance 2. Law & Order National Security 3. Education 4. Health and Taxation Reform 5. Economic Empowerment 6. Land and Resource Owner-



Pati lida na Oro Gavan Garry Juffa

ship 7. Non Extractive Industry 8. Gender Equality 9. Bougainville and West Papua isu.

Aninit long namba wan Polisi em i toktok moa olsem, Gavman mas lukluk long interes bilong ol pipel na ol wei gavman i ken winim ol dispela gol. Gavman mas tigtting strong moa tu long givim gutpela servis long pablik sevans o humen riso bilong kantri bikos em wanpela wei we i ken apim pefomens bilong ol.

Namba tu polisi, em i toktok moa olsem populesen bilong PNG i wok long go antap tru olsem na namba bilong rikrutmen mas go antap na i mas gat planti risos olsem kar na komputa long mekim wok bilong ol.

Long namba 3 polisi, em i toktok strong long edukesen we gavman mas kamapim planti wok na tu impruvim stended bilong edukesen na ol manmeri graduet insait long PNG edukesen sistem i ken gat

sans long wok long arapela kantri.

Long namba 4 polisi, em i toktok moa long helt na takis. Em i lukim olsem helt fi i antap tumas na gavman mas daunim kost o fi bilong helt. Namba 5 polisi em i toktok long ikonmik empawamen we gavman mas lukluk gut long ol treid agrimen na tu long kamapim gen ol kopret sosaiti olsem kopi, kakao, raba na ti.

Long namba 6 polisi, em i toktok moa long graun na risos we gavman mas lukluk gut na senisim sampela lo bilong graun we i no gutpela. Long namba 7 polisi, em i toktok long non ekstektiv indastri we gavman mas promotim olsem wok turisim na egrikalsa. Gavman mas promotim sastenabel egrikalsa na kamapim polisi we kantri bai ken maket long intenesenel maket.

Namba 8 polisi em long daunim jenda besvailen(GDV) na long ol hevi bilong politiks olsem Bougenvil na Wes Papua.

Ela Motors bai kamapim nupela 25-sita bas

ELA Motors bai putim aut nupela 25-sita bas long maket long liklik taim, Ela Motors sif eksekutiv opisa Takeshi Abe i tok.

Em i tok dispela i bringim liklik servis long Toyota Coaster.

Abe it ok kampani nau yet kampani i wok long amamasim 84 pesen maket sea long ol Coaster bas e mi wok long salim.

"Coaster i wanpela biknem bas em planti manmeri i save baim long

mekim olsem pablik moving viakel (PMV) long kantri," Abe i tok.

Olgeta samtng i narakain.

Em it ok Toyota i save mekim ol bas long yusim tasol long ol kondisen bilong PNG.

"Long faktori long Japan, i gat prodaksen lain we e mi bilong stap bilong putim ol bas ol bai kisim i kam long PNG.

"Long pasim hevi bilong bas i krungut o go bagarap

bikos long hevi bilong ol rot, kampani i wok long putim ol strongpela hap bilong kar bai em i no ken go bagarap hariap.

"Dispela bai strongpela nupela bas.

"Bai gat nupela hap long ruf o antap bilong bas bai no gat bagarap i ken kamap."

Abe it ok Toyota bai oltaim mekim ol 30-sita bas we enjin i kam long siks silinda Land Cruiser enjin.

GOD IS CALLING THE NATION TO A 40 DAY PRAY & FAST

Hatwok bilong Kopi i karim gutpela kaikai long Unggai Bena



John Supa i raitim

BIKPELA hatwok na strongpela tingting i karim kaikai long stori bilong kopi industri long hap bilong Lowa Unggai Komyuniti Dvelopmen Faundesen (LUCDF), wanela komyunit bes NGO bilong Unggai Bena Distrik long Isten Hailans Provins.

Long Mande dispela wik, LUCDF i lonsim tupela bikpela projek long helpim ol piple long ol sindaun bilong ples. Em bilong givim ol pawa long ol memba bilong dispela NGO long

kisim sampela kain ikonomi bilong stap longpela taim.

Long wankain taim, LUCDF i lonsim tu roasted kopi na graun kopi bilong em yet aninit long bikpela nem "Ginipa Coffe" we ol i eksptim i go long ovasis maket na tu long kantri. Wantaim dispela ol i lonsim 2017-2021 5 yia plen bilong LUCDF tu.

Faunda bilong LUCDF na Siameri, Sallyn Lomutopa i amamas long tokaut long kaikai bilong hatwok bilong em long ai bilong ol bikman bilong kopi na tu

long ai bilong lokal Memba na Lens Minista Benny Allen wantaim CIC Jeneral Menesa Steven Tumae na Senia Projek Bos na Akaunten Walter Laia, Wol Benk, Projek Mneesaa Potaisa Hom-bunaka bilong PPAP na ol lain i makim CARE Intenesenel na ol nara-pela lain.

Misis Lomutopa i givim tok amamas bilong LUCDF i go long wok patnasip bilong CARE Intenesenel, CIC na ol arapela gvman ejensi nan au PPAP i luksave long LUCDF.

Faunda na Siameri bilong LUCDF, Sallyn Lomutopa i sanap namel wantaim Lokal Palamen Memba na ol bikman bilong Kopi na ol patna wantaim 5-yia plen bilong LUCDF long taim bilong lonsim long dispela wik.

Richard Pagen em nupela Ombudsmen Komisina

Gavana Jeneral, Bob Dadae asde i bin lukim nupela Ombudsmen i sainim ol pepa bilong kisim dispela wok.

Ombudsmen Apoinmen Komiti i makim Richard Pagen olsem Ombudsmen bilong 6-pela yia stat long 14 Februeri 2017. Long taim bilong mekim tok promis long Gavman haus asde, Ombudsmen Pagen i ritim gen Dekleresen o Tokaut bilong Opis na long Loyolti long mekim

trupela wok, long ai bilong Gavana Jeneral.

Long wanpela pres konprens bihain, Ombudsmen Pagen, i tok tenkyu long ol Ombudsmen Komiti long ol i makim em.

Em i tok, taim ol i makim em i makim haia duti o wok long lukautim ol pipel na gavman bilong Papua Niugini na Ombudsmen Komisen.

Em i tok ol i no ken lukim apoinmen bilong em olsem

wanpela samting nating tasol ol i mas lukim olsem mak i kamap long wok bilong em bilip we ol i gat long em taim Ombudsmen Komiti na Sif Ombudsmen i mekim disisen.

Ombudsmen Pagen i tok namba wna wok bilong Ombudsmen Komisen em long mekim olgeta gavman ejensi long inapim laik bilong ol pipel long bringim sevis deliveri, sekim na stretim ol

hevi bilong pablik, na ol hevi we i save kamap long ol pipel.

Pastaim long ol i makim em kamap Ombudsmen, Mista Pagen i bin stap olsem wanpela investigeta bilong Ombudsmen inap long 18 yia olgeta.

Mista Pagen em i greduet long saiens long jioloji na em i gat setifiket bilong mekim wok bilong loiya.

Kuman: TFF polisi wok gut

Paul Zuvani i raitim

EDUKESAN Minista Nick Kuman na Oro Gavana Gari Juffa i tok pait namel long tupela yet long Palamen aste long tuisen fi fri (TFF) polisi.

Em i sutim tok long Kuman olsem em i no ken tok polisi i wok bikos planti hevi i pas yet long polisi.

Juffa i tok i tru polis ii lukim ol mangi i go long skul tasol hevi bilong ol skul i kisim

mani long taim na long ol skul i kisim mani long mak stret ol i askim i no save kamap.

"Ol boding skul i mas gat inap mani long baim kaikai olsem rais long lukautim ol sumatin," Juffa it ok.

"Gavman i givim mani tasol em i givim mani long mak em i laikim na i no skelim amamas tru wan wan skul i laikim.

"Sampela skul em de tasol

sampela em ol boding na dispela gavman i mas tingting gut bipo long em i tok olgeta skul bai kisim dispela kain mak."

Dispela i sutim bel bilong Kuman we em i tok hevi i stap long Juffa.

"Mipela i gat kes flo hevi na taim i gat inap kes mipela inap givim mani," Kuman i tok

"Long kain taim olsem em wok bilong yu Gavana long

sapotim ol skul.

"Yu no ken wetim gavman tasol long mekim wok.

"Skul i stap long hap bilong yu, na i gat kain hevi, yu mas givim helpim tu."

Kuman i tokaut long polisi long bekim askim bilong Memba bilong Saut Bogenvil Timothy Masiu long wanem as sampela mangi long distrik bilong em i wok long raun ausait yet bikos skul i no gat mani.

Death Notice



Ms. Joyce Leah Kanana
Detective P/W Snr Constable (12178)

D.O.B 25/04/1975 – D.O.D- 21/03/2017

This notice is to inform all friends, families and relatives of the passing of Late Ms. Joyce Leah Kanana – Detective Police Woman Senior Constable (12178), on the early hours of Tuesday 21st March, 2017.

Haus Krai is held at her residence at Tarsion Barracks, Gerehu.

For more information contact:

George Kanana: 799 05 850

John Toroda: 753 57 920 / 780 25 563

Steven Farapo: 766 22 895



Guide your children to build a savings foundation. Start them early with a **KIDS SAVINGS** Account.

We are the Bank for Savings

WE ARE **BSP**





Katolik sios grup singaut long kamap bilong gutpela ileksen

OL Katolik sios grup long Hailans rijon i askim long 2017 ileksen i mas kamap gut.

Long wanpela pas ol i raitim i go aut ol i tok ileksen long rijen i mas kamap fri na fe na ol manmeri i yusim rait bilong ol long vot fri.

Long dispela pas ol i tok: "Mipela ol bisop na Daioisen Seketeri bilong Edukesen, Helt/HIV, Yut, Callan Sevis, Famili Laip na Caritas bilong foapela Hailans daioese i tok ileksen i mas fri na fe."

"Mipela olsem Kristen husat i stap piksa bilong Bikpela i gat rait na i mas mekim wok fri.

"Wok bilong kamap long ileksen na makim lida i wankain.

"Ol manmeri mipela i ilektim long makim mipela i bilong sapotim dispela rait God i givim long mipela.

"Maski long wanem tokples, kala bilong skin, bilip wanpela i gat, ples wanpela i kam long em, save em i gat, sapos em i gat samting o nogat olgeta i wankain," ol i tok.

Ol grup husat i mekim dispela askim i kam long ol daioise bilong Goroka, Kundiawa, Maun Hagen, Mendi na Wabag.

Wantaim dispela ol i tok maski gavman i givim fri edukesen na fri helt ke, planti ol hevi i stap yet.

Ol i tok long gavman i sotim fanding bilong helt sevis i givim hevi long ol Kristen helt ejensi na dispela i lukim ol i no inap givim gutpela sevis long ol manmeri na moa yet i hat long lukautim ol wok manmeri bilong ol.

Dispela i wankain long edukesen sekta bikos gavman i sotim mak bilong mani ol i askim long em.

"Maski gavman i kamapim Tiusen Fi Fri (TFF) polisi, mani mak na taim gavman i givim i no kamap stret. Gavman i no save givim mani long mak mipela i askim long em na i no save givim mani long taim stret," ol i tok.

Ol grup i tok tu olsem gavman i no kamapim ol gutpela awenes kempen long toksave long ol manmeri long husat ol i mas



Katolik grup i laikim stretpela pasin bilong ileksen i mas kamap long 2017 nesenel ileksen.

Poto: Bisop Douglas Young svd.

votim.

Moa long dispela wok bilong Caritas long mekim ileksen awenes i no kamap long mak we em i mas kamap long em.

Ol i tok ol yangpela vota i no kisim gutpela toksave long yusim rait bilong ol long vot fri.

Grup i tok taim ol vot i no save ol man meri husat i laik sanap

long ileksen i ken yusim sans long paulim ol na olsem ol i no inap long vot fri long laik bilong ol.

Long ol manmeri husat i baim ol vot, bosim ol poling ples, balot boks, tok lukaut long ol arapela na yusim smok nogut long bagarapim ileksen, dispela i no mas kamap.

Rait bilong ol turangu em ol arapela i no ken daunim.

"Mipela i lukim pinis pasin bilong kisim nating ol balot bokis o pepa na subim ol manmeri long vot egens long laik bilong ol i kamap na olsem mipela i no laik bai kain pasin i mas kamap.

"Mipela i askim tu ol poling opisa long ol i mas mekim wok bilong ol stret na i no ken kisim ol sait," ol i tok.



WOK BILONG KATIM PAWA

PPL i laik toksave long ol kastoma bilong mipela olsem stat long 31 Mas i go long 31 Julai 2017, olgeta lain kastoma husat i gat dinau long ilektrisiti bil wantiam isipei na kredit mita bai mipela katim pawa. Mipela bai konektim pawa saplai gen taim kastoma i baim olgeta dinau bilong en wantaim ol rikoneksen fi em K106.70 long taim bilong wok na K211.20 bihain long ol aua bilong wok.

Sapos ol lain i yusim pawa na i no save baim pawa bil hariap, mipela bai katim pawa bilong ol tu, na sapos ol i baim olgeta bil, mipela bai senisim mita bilong ol long kamap pripei isipei mita long ol taun we i senis long kisim ol isipei mita.

Insait long ol taun we ol i no senis yet i go long isipei, ol kastoma i mas stat long baim ol dinau bilong ol bilong bipo, bikos dispela toksave bai mipela i bihainim long senisim olpela mita i go long isipei mita. Sapos ol i no baim dinau bilong ol olgeta, mipela bai katim pawa saplai bilong ol na mipela bai no inap long putim bek gen inap taim ol i baim olgeta dinau bilong ol.

Long ol kastoma husat i gat dinau bilong pastaim kredit mita na i go long isipei mita, mipela i askim long yu mas go long wanpela PPL opis i stap klostu long yu na stretim pawa bil bilong yu. Ol dispela pasin bai kamap:

- Dinau long mak bilong K1 i go K999 – ol i mas baim olgeta long wanpela taim tasol.
- Dinau long mak bilong K1000 na i go antap – 60 pesen ol i mas baim pastaim wantaim ol narapela hap i stap yet bai ol baim insait long 12-pela mun.

Sapos ol i no mekim olsem, PPL bai go aut na katim ol pawa i go long ol isipei sistem na tu ol bai katim pawa long ol mita inap ol kastoma i baim olgeta dinau bilong ol. PPL i mekim wok long mekim ol kastoma husat i gat dinau long ol i mas baim dinau o nogat bai kisim mekim save long ol pawa saplai bilong ol bai mipela i katim na long putim bek em i no isi.

Husat man i brukim lo long konektim pawa nating long stilim pawa, PPL bai painim yu yet na saplai bilong yu bai pinis olgeta na mipela bai rausim ol pawa pol fius na ol pawa lain bai raus inap yu baim olgeta pawa bil, na ol mekim save fi na nupela koneksen fi.

Mipela askim ol kastoma long baim ol bil long PPL opis na bai ol i givim yu risit. PPL bai i no inap long kisim asua long mani ol kastoma i baim long narapela man o meri na ol i no givim opisal risit.

Tok i kam long PNG Power Corporate Relations.

URGENT!!

URGENTLY REQUIRE STREET SALES AGENTS & DISTRIBUTORS TO DO BULK SUBSCRIPTION OF WANTOK NIUSPEPA IN THE FOLLOWING LOCATIONS

Rabaul, Kiunga, Tari, Jiwaka, Manus, Wabag, Kavieng, Simbu, Tabubil, Lae, Mendi, Bulolo, Popondetta, Wewak, Vanimo and Kerema

Qualification:

No specific qualification is required, can be an individual, family, a retired worker or someone who is already engaged in doing News Paper contract work.

For more detail information please call
 The Circulation Supervisor, Mr. Mark Timbi on Phone: 3252500,
 mobile phone: 72703860/75690395 or
 email: mtimbi@wantokniuspepa.com
 circulation@wantokniuspepa.com

Kalt muvmen kirap long Sumkar distrik



Ol stekholda patna husat i bin stap long SDG woksop i sindaun long toktok insait long Lamana Hotel, Pot Mosbi. Poto by: Josiah Ururu Kana.

James G. Kila i raitim

WANPELA nupela kain kalt muvmen o grup i kirapim pasin nogut bilong en long ples Enengave long Wanuma eria long Adelbert rens long Sumkar distrik, Madang provins.

Ripot Wantok Niuspepa i kisim long Sumgilbar LLG i tok olsem dispela kago kalt muvmen i kirap long Enengave eria long Wanuma we i stap longwe tru antap long maunten baksait long Bunabun. Viles ya i stap antap long maunten na bikpela bus na no gat gutpela gavman sevis i save go long hap.

Wanpela kaunsila bilong Wanuma i tokim Wantok Niuspepa long Tunde olsem dispela kalt muvmen i kirap bihain long sampela lain pipel long dispela ples i rausim wanpela pastor na kukim buk baibel. Dispela ol lain long ples Enengave husat i joinim dispela kalt muvmen em pastaim ol save lotu long wanpela Pen-tekostal sios na ol i bruk



Wanpela bikpela viles bilong Enengave long Wanuma eria long Adelbert rens long Sumkar distrik, Madang provins.

lusim na kirapim kalt muvmen bilong ol yet.

Kaunsila bilong Wanuma i tokim Wantok Niuspepa olsem dispela nupela kalt muvmen i kirap wantaim wanpela papa husat i tokaut olsem em i god, na pikinini bilong em Jisas, na wanpela famili memba bilong em i ensel.

Dispela kalt muvmen bilong Enengave i gat ol meri i save stap klostu long dispela man ol i kolim god olsem flawa gels o yangpela meri long bilasim eria bilong dispela man.

Kaunsila i tok olsem dispela kago kalt muvmen i bin kamap sampela yia i go pinis, tasol long mun Janueri long dispela yia wanpela kaunsila long Wanuma i bringim ripot i go long polis long Dylup na long Madang. Tasol stat long dispela taim inap nau no gat wok i kamap long go na stopim dispela pasin nogut.

Dispela kaunsila bilong viles klostu long Enengave husat i givim stori long polis na pablik i tokaut olsem em wantaim ol pikinini bilong em i pret long go bek long ples

bikos nogut ol lain bilong dispela kalt muvmen i kilim ol indai.

Dispela Enengave kalt muvmen em kamap bihain long sampela yia i go pinis taim wanpela man husat em miks Morobe na Steven Tari i kirapim kalt muvmen antap long bus bilong Matepi long Madang distrik.

Ol lain long ol ples long Madang i bin kilim indai Tari bihain long dai bilong wanpela meri long Amele eria long Saut Ambenob LLG long Madang.

DNPM holim nesanel miting long ol SDG

Josiah Kana i raitim

DIPATMEN bilong Nesanel Plening na Monitaring i bin holim wanpela bikpela miting bilong ol Sastenebol Developmen Gols o SDG long las wik long Lamana Hotel, Pot Mosbi.

Dispela tupela de miting i bin kamap long Tunde 22 na Trinde 23 Mas, long painin rot bilong ol Yunaitet Nesanel Sastenebol Gol bai wok wantaim PNG Midium Tem Developmen Gol.

Ol lain i bin stap insait long dispela miting em ol het ov dipatmen na ol lain i makim ol gavman na ol Non Gavman Ogenaisesen.

Bikpela toktok long miting i bin kamap long kamapim ol konsaltesen miting long kantri wantaim ol ogenaisesen husat bai bringim ol tingting bilong ol SDG na MTDG 3 i go daun ol provins na long ol dipatmen long senisim ol polisi we bai inap long mekim wok bihainim tingting bilong ol dispela bikpela gol. Ol ripot bilong dispela bai DNPM na UN i givim i go long gavman bihain long 2017 ileksen.

I bin gat ol bikpela presentesen o pepa i kamap long dispela miting ol dipatmen i bin redim, long soim nau yet PNG i stap olsem wanem long

kamapim ol MTDG 3 long bihainim ol polisi bilong dispela gavman wantaim nupela developmen plen model bilong ol, Nesanel Stateji bilong Risposibel Sastenebol Developmen o StaRS.

Ol narapela pepa i bin kamap long ol MTDG long mekim klia ol SDG Koalisen Patna grup.

Nupela StaRS polisi i bin kamap long yia 2013 i gat 21 gutpela developmen prinsipel o bikpela tingting we inap long mekim

wok bilong daunim pasin bilong poveti o no gat gutpela sindaun na long daunim hevi bilong klaimet i senis na ol narapela.

Ol toktok bilong ol grup i bin kamap wantaim ol Koalisen Patna bilong Dipatmen bilong Nesanel Plening na Monitaring na em long luksave long ol SDG na long save long ol mak we bai soim olsem ol dispela bikpela gol o tingting i wok long kamap long laip bilong ol pipel.

Sentral Provins polis i givim tok lukaut long ol meri

POLIS Stesen Komanda (PSC) bilong Kwikila, Sentral Provins, Sif Segen Kwaipo Gimana, i tokaut long wari bilong ol long ol yangpela meri i gat bel na sik HIV AIDS i kamap bikpela long taim bilong ileksen.

Long taim ol i karim aut awenes long Kalo Viles long Hula, Sentral Provins, PSC Gimana i tok olsem planti kendidet bai resis long 2017 Nesanel Ileksen na sapota bilong ol bai karim kes mani raun long baim ol vot na planti ol yangpela gel i mas kisim was long dispela taim.

Em i tok, planti yangpela gel bai

raun wantaim ol man long taim bilong ileksen bikos ol kendidet bai givim mani long ol.

“Ol papa na mama bilong ol yangpela gel i mas bihainim raun bilong pikinini meri bilong ol long taim bilong ilkesen,” Gimana i tok.

Ol pipel long Kalo Viles i no bin save long ol hevi i save kamap long taim bilong ileksen na nau ol i save gut taim ol i mekim awenes.

Sentral Polis tim i mekim ileksen awenes long ol hap bilong Abau na Rigo Open ilektoret taim awenes i stat long Februeri 1 na bai pinis long pinis bilong dispela mun.



PSC Kwikila, Kwaipo Gimana, i sanap wantaim ol polisman bilong em long Kalo Viles na i tok klia long ol lain long viles long ol hevi i save kamap long taim bilong ilkesen.

PNGDF kisim trening long lukautim lo na oda

Josiah Ururu Kana i raitim

INTENESENEL Red Cross Komyuniti (ICRC) long Pot Mosbi i bin holim 4-pela de woksop las wik long givim trening ol opisa bilong Papua Niugini Difens Fos (PNGDF) long save long ol wok bilong ol long taim gavman i singautim ol long helpim ol polis fos long strongim o na oda long taim bilong wok.

ICRC em i wanpela indipenden namel man ogenaisesen i save lukautim ol pipel na helpim ol lain i kisim hevi long ol ples we i gat pait na bagarap. Em i save mekim ol wok long ol imejensi long strongim pasin bilong rispek bilong intenesenel humaniterien lo na ol nesenel lo.

I bin gat 80 soldia bilong 1st na 2d Royal Pasifik Ailan Rejimen (1,2RPIR), ol Nevi Opisa bilong Lombrum Naval Bes i bin stap long dispela trening. Ol save lain i makim ICRC long Manila, Filipins i bin ranim dispela woksop. Dispela tupela woksop i bin kamap long helpim ol militeri opisa long klia gut long ol as tingting bilong strongim lo olsem pablik oda, we bilong stopim ol pait, holim pasim ol trabel man na long putim long



Ol PNGDF opisa i kisim poto wantaim ol bikman na bikmeri bilong ICRC husat i bin givim ol tupela de trening inap 4-pela de las wik. Poto: Josiah Ururu Kana.

polis sel na long wei bilong yusim ol gan.

Ol lain i go pas long givim trening em Helen Walters Amnol, ICRC Networking Opisa, Anand Ap-padoo, ICRC Rijonal Armed Fos Deliget na Abdul Aziz Azhari, ICRC Senia Sekyuriti na Politikal Edvaisa.

Abdul Aziz Azhari, IRCC Sekyuriti na Politikel Edvaisa i stap long

Kuala Lumpur, i tok olsem long taim bilong stopim ol man i stap long bung pait, i gat ol klia lo i stap long wei bilong yusim fos.

“Em i no samting bilong sekuriti fos long mekim long laik bilong ol na mipela i amamas long lukim olsem ol PNGDF i stap isi long harim gut ol toktok mipela i mekim

insait long dispela tupela woksop,” Mista Aziz Azhari i tok.

PNGDF Sif ov Staf, Col. Raymund Numa i tok tu olsem i gat wok long kain trening i mas kamap long PNGDF. “PNGDF opisa i mas gat klia save long wei bilong karim aut lo na long save olsem dispela em i narapela long wok bilong ol taim

bilong bikpela pait o woa, taim ol i singautim ol long helpim ol polis fos long taim bilong ol lo operesen olsem ileksen long dispela yia,” Kenel Numa i tok.

Bai i gat sampela moa woksop wankain olsem i kamap long dispela yia yet we ol PNG Royal Konstabuleri bai kisim skul long en.



PNG Air

CENTRAL RESERVATIONS

Phone: + 675 7222 2151 | Fax: + 675 325 4867

TOLL FREE NUMBER 16111 | Email: reservations@pngair.com.pg

Helt Minista amamas long Goroka haus sik developmen

Loutova Siapea i raitim

HELT Minista, Michael Malabag husat i bin kamap wantaim Helt Seketeri Pascoe Kasa na lukluk raun long bikpela developmen projek bilong Goroka Provinsal Haus sik las wik i bin amamas olsem projek i wok long go het gut. "Mi amamas long lukim olsem dispela bikpela projek i wok

long i go het gut. Mi amamas tu olsem wok em bai pinis stret long taim we haus sik bai i ken op long 2018", Malabag i tok.

Em i tok long taim olgeta wok long projek i pinis, na haus sik i kirap, ol pipel long Goroka, Isten Hailans na PNG tu bai i ken kisim gutpela helt sevis long dispela haus sik.

Malabag i tok, planti

haus sik long kauntri i nidim kain developmen long givim gutpela sevis long ol pipel, tasol mani long kamapim kain wok em i sot tru.

Em i tok amamas long Isten Hailans Provinsal Helt Atoriti na ol developmen patna long sapot na mekim gutpela wok long bringim gutpela helt sevis i go long ol pipel bilong Goroka na Isten Hailans.



Long raithan i go long lephan: Helt Seketeri Pascoe Kasa, Albert Carillo, Malcolm Smith, CEO bilong EHPHA Dr Max Manape, VAMED projek menesa Premysl Boehm, Helt Minista Michael Malabag na Dokta Joseph Apa i lukluk raun long nupela haus sik wing projek bilong Goroka haus sik. *Poto: Loutova Siapea.*

Yagaum Helt Senta helpim Madang pipel wantaim marasin

.....taim Modilon Jeneral Haus sik i sot stret

James G. Kila i raitim

PLANTI ol sikman meri long Madang taun na ol arapela helt senta na etpos i wok long go long Yagaum Lutheran Helt Senta long Madang rurel distrik long kisim sevis bikos bikpela Modilon Haus sik i no save helpim ol gut tumas.

Wantok Niuspepa i bin toktok wantaim, Saloi Lobb wanpela lokal meri Amele yet husat I save wok olsem pamasist long Yagaum Lutheran Helt Senta, husat i stori olsem planti taim ol sikman meri bilong Madang taun i save kisim kar na PMV na go antap long Yagaum long kisim ol medikal sevises long hap.

Yagaum em wanpela namba wan misin haus sik we Evanjelikal Lutheran Sios i go pas long en aninit long

Lutheran Medikal Sevis, na em i wanpela naispela haus sik stret long bipo we i save sevim gut stret ol pipel bilong Madang.

Yagaum i stap insait long Not Ambenob lokal level gavman (LLG) eria long Madang distrik, tasol em save sevim ol lain long ol arapela LLG na tu ol arapela distrik husat i save go long hap long kisim marasin na medikal sevis.

Lobb i tokaut olsem sampela taim ol sikman na meri bilong ol arapela distrik olsem Walium long Usino-Bundi i save go long Yagaum helt senta long kisim marasin. Ol i save go long dispensari long kisim marasin, tasol taim marasin i sot, ol lain long Yagaum save raitim riferal pepa na ol i save go long ol kemis o famesi long taun long baim.

Tude, planti ol manmeri long Madang taun na ol arapela distrik i save go long Yagaum Lutheran helt senta long yusim x-re masin long kisim piksa bilong bodi taim bun i bruk na ol arapela hevi long bodi.

Dispela em bikos X-re masin bilong bikpela Modilon Hausik i bin bagarap na i no inap long sevim ol sikman meri na tu mekim wok long sait long wokim X-re bilong ol pri-emploimen sekap.

Taim dispela hevi i bin kamap ol manmeri husat i nidim dispela sevises i bin kisim kar na PMV na go antap long Amele eria long Not Ambenob LLG long wokim X-rei bilong ol long Yagaum.

Planti ol lain bilong Madang taun i amamas tru long gutpela medikal sevis em Yagaum Helt Senta i givim long sait long wokim ol x-re.

Nupela PNG medikal bod bilong 2017



Nupela PNG medikal bod bilong yia 2017. *Poto: Shriley Gar*

Shriley Gar i raitim UPNG Jenelisisumatin

Prinsipal loya bilong Nesenel Dipatmen ov Helt, Margaret Asimabu i tokaut long 8-pela nupela memba bilong PNG Medikal Bod (PNGMB) long Tunde 28 Mas long Pot Mosbi.

Ol dispela 8-pela memba bilong PNG Medikal Bod bai sanap makim wan wan disiplin long medikal fil insait long PNG. Ol bai wok 3-pela yia tem olsem bod memba long 2017-2019.

Dispela ol memba em Paskoe Kase-Sekreteri bilong dipatmen ov helt, Dr

Osborn Liko-Speselis bilong Medikal Opisa/prektisina-PMGH, Dr Paul Salispeselis bilong Dental Prektisina Sosaiti, Dr Pius Umo-medikal sosaiti, Dr Robin Siosmedikal sosaiti, Profesa Nakapi Tefarani-UPNG Skul ov Medesin, Rex Pakikomuniti na Sivil So-

saiti, Ken Wai- Eksekutiv Opisa makim ol Helt ekstensen ofisa(HEO) na Alaid Woka.

Bihain long dispela in seremoni, ol bod memba i bin sindaun gen long makim wan wan komiti memba na bai ol i tokaut long bihain taim.



CTSL

TRUSTEE FOR THE DEFENCE FORCE RETIREMENT BENEFIT FUND

TOKSAVE IGO LONG OL PENSENAS

Comrade Trustee Services Limited (CTSL) ilaik toksave long ol pensenas bilong Defence Force Retirement Benefit Fund olsem wok bilong stopim pensen ikamap klostu. Dispela wok bai kamap long namba wan fo nait, long namba fo mun long dispela iar.

Long dispela toksave mipela singaut long ol pensenas istap nambaut long Papua Niu Guinea bai pulamapim wanpela pepa mipla kolim long **'Pension Form'**. Sapos yu pulamapim pinis dispela pepa em bai pensen bilong yu bai orait tasol bihain long dispela taim. Sapos yu no pulamapim yet dispela pepa, em bai yu asua na kisim bikpela taim, taim mipela stopim pensen bilong yu. Olsem na bai gutpla sapos dispela toksave iken go kamap long iau bilong olgeta pensenas.

Long kisim moa toksave, kam steret lo opis bilong CTSL or ring kam long ol namba tamblu:

Memba Sevis Opis lo Giraun Plo, Comrade Haus, Seksen 35 Lot 4, Comrade Ples, Hohola, P.O Box 497, Port Moresby, **Telepon:** +675 323-3651/7998-909 **Kwik Piksa:** +675 323-9856 **Email:** benefits@ctsl.com.pg **Website:** www.ctsl.com.pg

Tok Orait Ikam Long Ol Biklain CTSL

Spak sumatin pasim Malala Sekenderi Skul



Meri na Gutpela Lidasip

DISPELA nesanel ileksen i lukim planti meri i go insait long dispela bikpela resis tasol hariap tru planti krangki toktok i kamap pinis.

Planti taim ol pipel i krai long gutpela lidasip. Ol i ting dispela ol lida nau i stap long palamen i no mekim gutpela wok.

Nau yumi lukim ol meri i kirap nau. Stat long independens long 1975 na i kam i bin i gat wanpela wanpela meri tasol i go insait. Long las ileksen ol vota i bin salim tripela meri i go insait. Dispela em i wanpela bikpela samting long histri bilong ol meri long Papua Niugini.

Nau dispela ileksen planti moa meri i redi nau long resis – long givim sans long dispela tingting olsem i mas gat senis long lidasip bilong kantri bilong yumi.

Planti meri i krai long senis bikos ol i wari long skul na hausik. Tasol nau ol meri i sanap na yumi ol meri yet i wok long tok krangki long ol susa husat i laik ran long resis. Sapos yumi ol meri i krai long senis bilong lidasip tasol yumi no redi long sapatim ol susa i sanap olsem wanem tru bai yumi lukim senis?

Wok bilong lida em i no isipela samting. Ol susa husat i laik sanap nau i save long dispela tasol ol i orait long sanap, long givim sans long ol meri na pikinini bilong dispela kantri.

Planti tok i kam olsem dispela palamen em i hausman! Dispela kain tingting i no inap helpim yumi sapos yumi laik lukim trupela senis. Ating yumi gat wok long senisim tu dispela hap tok 'hausman'.

Haus palamen em i haus bilong ol man na meri na pikinini bilong Papua Niugini. Namba tri pos bilong konstitusen bilong yumi em i tok-tok long 'Equality and Participation'. Dispela i min insait long olgeta samting i kamap long Papua Niugini wankain wankain sans i mas go long olgeta. Man na meri wantaim i gat rait long stap lida, man na meri wantaim i gat rait long lukautim moni bilong kantri, na olgeta wok we dispela wok bilong lida i singaut long en.

Bikpela samting em olsem sevis i mas go long ol pipel long ol ples. Sevis bilong rot, sevis bilong haus sik, sevis bilong skul na wok didiman i mas go long ol ples. Sapos dispela ol senis i no bin kamap gut aninit long lidasip bilong ol man, bai yumi mekim wanem?

Planti hevi i bungim ol meri; sampela i lusim laip, sampela i stap long kalabus na sampela i pait o ranawe i stap bikos ol i pret.

Dispela ol hevi i no inap ranawe nating sapos i no gat planti toktok na eksen long en. Meri em i bringim laip i kam long dispela graun na insait long bel bilong em oltaim em i save wari long gutpela sindaun bilong dispela laip.

I gutpela ol meri yumi stretim ol tingting bilong yumi na yumi lukluk long husat tru tru inap givim yumi dispela lidasip we yumi save krai long em.

Ating wanpela susa inap long givim yumi dispela lidasip!

James G. Kilai raitim

MALALA Katolik Sekenderi Skul long, Madang i pasim skul las wik bihain long ol sumatin i kros na laik pait namel long ol yet.

Dispela hevi i mekim skul i pasim fes tem bilong en bikos pret i stap namel long ol man sumatin.

Ripot *Wantok Niuspepa* i kisim i tokaut olsem dispela hevi i bin stat bihain long wanpela gret 10 sumatin man i bin spak na go mekim nabaut long skul. Ol skul prifek i lukim em

na givim ripot long skul menesmen na ol i saspending em.

Ripot i tok, ol poroman bilong en i no wanbel na ol i stat long bringim pret na laik statim trabel wantaim ol gret 11 na gret 12 man sumatin long skul.

Prinsipel bilong skul, Arnold Mamba i salim ripot i go pinis long Madang Provinsal Edukesen Dairekta, Moses Sariki long dispela hevi long skul.

Nau yet skul i pasin namba wan tem bilong en long dispela yia bikos long trabel, na

bihain long miting bilong Bod ov Gavana long em bai toktok long wanem samting long mekim long skul yia i go het.

Malala Katolik haikul long bipo em wanpela namba wan skul insait long Madang provins long kamapim gutpela ol sumatin husat nau i holim ol bikpela wok long gavman dipatmen na praivet sekta.

Stat long 2000 i kam nau hevi bilong sumatin i bikhet na kamapim kain kain ol pasin nogut i go na bagarapim nem bilong dispela gutpela Katolik ejensi skul.

Wanpela papa, Joshua Bais, i tok strong olsem skul bod ov gavano mas rausim dispela wanpela man sumatin na ol grup bilong em olgeta long skul bikos em i brukim lo bilong skul na Edukesen Dipatmen.

"Dispela man sumatin husat i spak na bikhet em brukim lo bilong skul, olsem na skul no ken tru larim em go bek. Skul mas rausim em wantaim olgeta lain poroman bilong em long gret 10 husat i laik kamapim birua long Malala," Bais i tok.

Katolik Edukesen Seketeri lainim wok bilong sosel midia

Nyleptha Kenny, Nesanel Katolik Edukesen Komisen i raitim

OL Katolik Edukesen Seketeri na ol Relijes Edukesen Kodineta bilong olgeta daiosis bilong PNG i bin bung long wanpela enuel konprens long Hideaway Hotel, Pot Mosbi long dispela mun we Pater Ambrose Pereira sdb i bin go pas long en.

Paster Ambrose em i kisim ol seketeri i go insait long wanpela ektiviti pastaim long em i tokaut long het tok. Em i traim long kisim tingting bilong ol seketeri long ol i tingting wanem long sosel midia. Em i tok mining bilong sosel midia na wanem samting em i save mekim. Em i tok strong long ol Edukesen Seketeri long ol i mas helpim ol tisa na sumatin long ol daiosis bilong ol long wei bilong yusim sosel midia long gutpela pasin.

Em i givim ol gutpela eksampel bilong ol piksat we i save kamap long sosel midia inap long givim gutpela tingting long ol pipel na opim hat bilong ol long helpim ol lain i gat nid.

Wanpela gutpela samting i kamap long lainim ol save bilong ol as ples bilong dijital, ol kam lain bilong dijital, na ol turis bilong digital. Planti bilong ol em i namba wan taim tru long ol i lainim dispela samting bilong sosel midia. Ol i laik save moa long ol wanem kain ol sosel midia em ol pipel i save yusim long tude.

Ol i lainim tu long ol kain sosel midia olsem praivet, publik, sosel na kopret. Pater Ambrose i tok klia long ol kain kain hap bilong ol selfi na wanem ol gutpela na no gut samting i save kamap.



Ol Edukesen seketeri i lainim wei bilong yusim sosel midia insait long enuel konprens bilong ol las wik.

Las tru, em i tok long ol i mas holim pasim ethics o gutpela tingting taim ol i yusim sosel midia. Ol i mas yusim olsem rot bilong autim gutnius long ol famili, namel long ol tisa yet, namel long ol sumatin insait long ol daiosis bilong ol na long kantri.

Em i gutpela taim long kamapim dispela luksave bilong sosel midia long ol lain i save skulim ol narapela olsem ol Katolik Edukesen Seketeri bikos ol i olsem ol ejen bilong evanjelis bilong Katolik insait long kantri.

Nau planti bilong ol i laikim dispela kain skul i mas kamap long ol daiosis bilong ol.

Ol lain long woksop i kisim wanpela skul long Katolik Sosel Edukesen we Raymond Ton i toktok long ileksen.

Birthday Greetings to: Josiah Ururu Kana

On 29th March 2017, you turned a big 21 years old! Happy belated birthday to you. We cannot bring you the world though it is our desire to do so. But what we have, we give to you unsparingly. "Silver and Gold I don't have, but what I have I give you. In the name of Jesus Christ... Rise up and achieve your dreams son!! Acts 3:6

You are the pride of my life and your decision to serve God is the most precious thing a mother would wish for!





Lucas Kamok Yapen wantaim meri bilong em An-natai wantaim ol tumbuna redi long go long Mirap peris long Kaminkum Katolik haus-lotu, Madang. Foto: James G. Kila

SAVE na MEKIM

Sapta 2
...moa yet long hap 1 (KON)
Kaikai bilong givim strong

KON (MAIS)

Tok bilong planim

Kon i save kamap gut long graun i gat gris. Olsem na yu mas planim long nupela gaden tasol. Sapos yu laik planim long olupela gaden, orait, putim gut kompos o pekpek bilong pik pastaim, na planim.

Skelim gut pikinini kon pastaim. Strong-pela lo bilong kon i stap olsem: Yu no ken kisim pikinini kon long wanpela tasol na planim. Nogut strong bilong kon bilong yu i tanim i go lapun, na kaikai bilong en bai kamap liklik tasol.


Kisim pikinini long 5-pela o 7-pela kon na miksimum na planim.

Sapos yu wari long rat na anis i kaikai pikinini insait long graun, orait, putim long wanpela plet wantaim wara pastaim. Taim kru i kamap longpela liklik pinis, orait planim.

Sapos yu planim kon klostu klostu, bai kon i no inap karim gut. Yu mas putim 1-pela o 2-pela pikinini kon tasol long wanpela hul. Na sapos yu wari long em i no kamap na hatwok bilong yu i lus nating, orait, putim 3-pela pikinini kon long wanpela hul, na bihain, taim em i kamap bikpela liklik pinis, rausim tupela na larim 1-pela tasol i stap.

Sapos yu planim long lain, givim spes inap 20 sentimita(cm) namel long 2-pela as kon. Em i olsem: Planim wanpela na givim spes inap long liklik pinga i go kamap long mama bilong pinga na planim narapela gen.

Namel long tupela lain givim spes inap 70 sentimita o 3-pela lek. Bai i luk olsem:



Sapos yu lain planim 3-pela long wanpela hul, orait givim spes inap 70 cm o 3-pela lek insait long lain, na namel long 2-pela lain tu. Tasol mi tok pinis, sapos yu planim planti olsme 3-pela o 5-pela samt-ing long wanpela hul tasol bai em i no inap karim gut.

Was gut long graun i no gat planti wara tumas. Nogut as bilong kon i sting.



Ol pikinini lukluk raun long wara Sutum

Dispela tupela bas i pulap wantaim ol sumatin bilong Martin Luther Semineri Elementari skul insait long Lae.

Ol pikinini i laik go aut long wanpela lukluk raun long wara Sutum insait long Nawaeb Distrik long luksave long wok bilong wara.

Ol i bin lainim insait long klasrum olsem i gat doti wara na i gat klinpela wara. Wara i ken helpim manmeri na tu bagarapim laip blong manmeri long kainkain rot.

Tait wara inap brukim graun na haus, bagarapim bus gaden, na kilim man.

Taim wara i klin ol pipel i save yusim long kukim kaikai, dring, waswas na kisim ol abus olsem kindam na pis.

Ol pipel husait i no gat gutpela rot bilong kar i go long ples i save yusim ol bikpela



Tupela kosta bas i karim ol sumatin blong Martin Luther Semineri Elementari Skul long Lae i go long wara Sutum long lainim wok bilong wara.

wara olsem rot blong karim ol sik man i go long haus sik na tu mekim ol arapela wok bihainim ron bilong wara.

Ol pikinini i lainim tu olsem ol sampela kantri insait long wol olsem Africa i no gat gutpela wara bilong dring na planti i save dai long hangre bilong wara tasol.

Papua Niugini i laki kantri we i pulap wantaim gutpela wara bilong dring na waswas tasol planti pipel ino luksave long dispela blessing God i givim yumi.

Ol daiosisen semineri lainim tok bilong nesa

Boniface Kasate i raitim

LONG Fraide 17 Mas, 2017 ol daiosisen semineri sumatin wantaim rekta bilong Holi Spirit Semineri long Bomana i bin kisim sampela taim bilong malolo bilong ol long go lukluk raun long Nature Park long Waigani.

Ol seimneri sumatin i go long painim na lukim ol samtig God i kamapim na long save long wanem em i wok bilong man long lukautim ol nesa. Ol man i gat taim bilong ol man yet tasol yumi gat taim bilong lukautim



Ol daiosisen semineri wantaim Rekta bilong Holi Spirit Semineri long Bomana i sanap long ai bilong wanpela haus insait long Nature Park long Waigani, Pot Mosbi.

ol dispela enimal o nogat? Dispela raun i no bilong amamas tasol em long lainim sampela wei na tok bilong God.

“Mipela i stadi long bikpela toktok na tingting bilong God,

mipela i pre na wokim ol meditesen, tasol dispela me i no inap. Bilong pinisim olgeta dispela samtig bilong save na long spirit em long stap isi na putim yau long God long toktok

long yumi insait long ol nesa.

Olsem na yumi gat ol presen bilong laikim, na presen bilong laikim we yumi mas serim wantaim ol narapela samtig God i kamapim.”



Yut, Meri na Famili

Pastor
Barbara Lunge

Ol kalabus lain i go bek long kirapim gen Tempel o haus lotu

Dispela em i toktok bilong Cyrus, King bilong Persia: 'God Bikpela, i bosim olgeta samting long heven, na em i bin makim mi, Sairus, long kamap bosman bilong olgeta hap graun.

Nau em i tokim mi long wokim wanpela haus bilong em long taun Jerusalem long distrik Juda. Nau God i ken i stap wantaim yupela Israel, yupela ol manmeri bilong en.

Bipo ol birua i bin kisim yupela long as ples na bringim yupela i go longwe na nau yupela i stap yet long ol dispela provins bilong mi. Tasol nau yupela Israel i mas i go bek long Jerusalem, taun bilong God, Bikpela bilong yupela, na wokim gen haus bilong en.

Na yupela ol arapela manmeri bilong ol taun ol Israel i stap nau long en, yupela i mas helpim ol na givim planti gutpela samting long ol. Na ol i ken karim i go long Jerusalem bilong wokim gen haus bilong God.

Yupela i mas givim ol Israel sampela silva na gol na ol kaikai samting. Na givim ol animal long ol bilong karim ol dispela samting. Na tu givim ol Israel ol abus samting bilong mekim ol ofa long God long dispela haus bilong en."

Olsem na God i kirapim tingting bilong ol hetman bilong lain Juda na lain Benjamin, na bilong ol pris na ol Livai na ol arapela man tu, na ol i redim ol samting bilong ol i go long Jerusalem na wokim gen haus bilong Bikpela." Esra 1: 2-5. Lain 7 "Na King Sairus i kisim ol plet kap samting bilong haus bilong God na i givim long ol Israel.

Bipo King Nebukatnesar i bin kisim ol dispela dis long haus bilong God taim em i bin pait long ol Israel na daunim Jerusalem.

Na em i bin putim olgeta dispela plet na kap insait long haus bilong ol giaman god bilong em.

Dispela tok propet em long wokim haus lotu long Jerusalem na tu long wokim ol haus lotu bilong spirit insait long lewa bilong ol Kristen. Ming bilong tok tempel: em i wanpela ples we God na Spirit bilong God i save stap.

"Yupela i haus bilong God yet, na Spirit bilong God i stap insait long yupela. Ating yupela i no save long dispela?: 1 Korin 3:16

Long wokim gen haus i minim olsem ol banis bilong haus i bin paia long paia bilong satan na yu mas wokim gen laip bilong yu i go bek long pastaim laip we God bai amamas long yu.

Propet Jeremaia i tok i go pas pinis olsem ol Juda lain bai go bek gen lusim ples Babilon inap 70 yia pastaim long ol Juda i go bek. Jeremaia 29:10, 25:11-12.

Nau i gat senis i kamap long taim God i makim long inapim ol wok bilong em. Insait long spirit God Bikpela bilong heven i stat long muvim hat bilong king bilong Babilon o ol lida bilong ol kantri long graun long putim han long mekim dispela wok bilong kirapim gen haus lotu o tempel bilong Jerusalem i go bek olsem bipo taim.

Toksave: Sapos yu i gat wari, tingting planti, yu mas ringim mi na bai mi helpim yu. Raitim pas long dispela adres na fon namba. Barbara Lunge, ROGIM, P.O. Box 3063. Boroko. NCD. PNG, o ring long 76238826.

Wokmeri bilong sios i ritaia long wok Lijon

Stori na ol poto
Anna Solomon

LONG olgeta Katolik peris i gat ol strongpela divosenel grup i stap na wanpela bilong ol em lain bilong Lijon ov Mary.

Dispela grup i baksait bun bilong ol bilip manmeri long beten korona na mekim wok insait long komyuniti. Na planti memba bilong ol em ol mama. Tasol tude, sampela bilong ol i wok long ritaia nau. Ol i winim planti yia pinis na bodi bilong ol i no strong tumas moa long wokabaut raun long olgeta kona bilong komyuniti bilong mekim dispela wok.

Wanpela bilong ol dispela strongpela wokmeri bilong sios em mama Rose Moide Maguna bilong St. Peter Chanel peris long Erima, NCD.

Long mun Februari long dispela yia, i bin gat wanpela spesel lotu long St Peter Chanel peris long tok tenkyu long God long laip bilong mama Rose na selebretim wok bilong em long Lijon ov Mary inap 29 yia olgeta.

Mama Rose Maguna em i wanpela bilong ol lain Katolik famili long Erima, husat i bin namba wan lain long kamapim St Peter Chanel Peris long taim Fr Allan Reiss, MSC wantaim ol Brigidine sister bilong Melbourne Australia, i kamap long 1969 na kirapim misin stesin.

Mama i bin karim Rose



Rose Maguna i holim maikrofon na toktok bihain long lotu bilong selebretim 29 yia bilong wok em i mekim long Lijon ov Mary. Alvina Saige i sanap wantaim em.

Moide Maguna long 21 Epril 1932 long Pari viles long Nesenel Kapitel Distrik. Mama bilong em i bilong Pari na papa i bilong Daru, Westen Provins.

Rose i maritim Tom Barry Maguna bilong Kuluguma viles, Manam Ailan long Madang Provins na ol i sindaun long Erima wantaim famili bilong tupela. Papa Tom i dai pinis na mama Rose tasol i stap yet.

Em i bin joinim Lijon of Mary long 10 Oktoba 1988 wantaim Mary Oberluter, Elizabeth Koea, Gabriella Baupua, Mary Erico, Pauline Tobi, Cecilia Karo, Mathew Jaran na Rebecca Jaran. Sister Emma Egan bilong Filipins i bin statim dis-

pela grup long St Peter Chanel peris.

Long taim Sister Nelda Natividad bilong Filipins i kam kisim ples em i go patrol long ol peris bilong Bereina na Rose Maguna i go wantaim em. Ol i raun long Inauabui, Veifa, Kubuna, Bakoiudu, Yul Ailan na Hisiu inap wan mun olgeta.

Long taim em i wanpela ektiv memba bilong Lijon, mama Rose i bin holim posisen bilong tresara na vais presiden bilong Our Lady of Miraculous Medal inap 10-pela yia. Em i save mekim wok long Erima, ATS, Kiki Bareks, DPI & DCA Boomgate, Bomana Police Barracks na CS Bomana.



Rose Maguna i sanap wantaim narapela strongpela wokmeri bilong sios, Mary Erico.

Long Me 2010 long taim St Peter Chanel peris i selebretim 40 yia, Mama Rose i bin kisim wanpela luksave setifiket i kam long peris long ol wok bilong em. Na long las yia 2016, taim Asdais bilong Pot Mosbi i amamasim 50 yia bilong en, mama Rose i bin wanpela bilong ol bilip manmeri husat i bin kisim setifiket ov apre-siesen long Sir John Kadinel Ribat, Asbiop bilong Pot Mosbi.

I tru olsem mama Rose i ritaia nau long wok bilong Lijon, tasol em i tok bai em i stap yet olsem wanpela oksileri memba na pre long wok bilong ol arapela memba.

Baquero kamap bisop bilong Kerema

Pater Ambrose Pereira
i raitim

ODINESEN bilong Pater Pedro Baquero long kamap bisop bilong Kerema i kamap long Kerema, Galp provins long las wik Sarere.

John Kadinel Ribat, Asbisop bilong Pot Mosbi i go pas long dispela seremoni we wantaim em em 15 bisop na moa long 40 pater i kamap na lukim dispela seremoni.

Kerema daioses i no gat bisop long las 40 krismas na em i gutpela long lukim Pop Francis i no long taim i go pinis i makim pater Baquero long kamap bisop.

Long taim bilong autim gutnius Asbisop Francesco Panfilo bilong Rabaul Asdaisosis i tokaut long singaut bilong God olsem em i samting manmeri i no inap save long em tasol i singaut we manmeri i mas bekim wantaim lewa bilong em.

Em i givim piksa long mama Maria husat i no bin redi long kamap mama tasol taim Angel Gabriel i tok em i inap kamap mama, Maria i wanbel long toktok bilong em na karim Jisas.



Bisop Pedro Baquero i kisim piksa wantaim ol Papa, mama, brata na susa bilong em bihain long odinesen. Poto: Pater Ambrose Pereira

Em i tok bikos long tok yesa bilong mama Maria olgeta arapela singaut olsem long kamap Kristen, kamap pater na bruda na sista i bihainim.

Dispela i wankain long singaut bilong Abraham, Moses, Aisaia na Jeremaia.

Panfilo i strongim bisop Baquero olsem Mama Maria i

mas stap piksa bilong em long bihainim.

"Soim laik pasin na marimari long wok bilong yu. Stap olsem wanpela wokman bilong ol manmeri, lainim tok ples na pasin bilong ol na tokaut long tok bilong God," Panfilo i tok.

"Stap wantaim ol long gutpela taim na taim nogut."

Em i pinisim toktok bilong em wantaim askim bilong Mama Maria na Santu John Bosco long askim Holi Spirit long strongim nupela bisop long wok bilong em.

Ples i bin gutpela na ol manmeri i stap wantaim gutpela bel long lukim Baquero i kisim blesing bilong em.

Long bekim Bisop Baquero i tok em olsem Salesian pater i bihainim pasin na singaut bilong Don Bosco long soim laik na marimari bilong God long ol manmeri.

Papa na mama bilong em, Pedro na Sofia Baquero wantaim susa bilong em Clotilde na brata Rex Marciano i kam olgeta long Philippines long lukim odinesen.

Paia sevis bilong kantri i sot tru long ol samting bilong wok

OL pipel long NCD na planti arapela hap tu i wok long wari nau long Paia Sevis Dipatmen bilong kantri. Yumi olgeta i luksave olsem i gat bikpela hevi tru na Nesenel Gavman wantaim ol imejensi dipatmen bilong en i mas stretim hariap.

Las wik bikpela paia i bin kukim 4-pela stua long Tabari, namel stret long Boroko na klostu long Boroko Paia stesin. Long taim paia trak i kamap, wara presa i bin daunbilo tumas na ol i mas singautim narapela paia stesin long salim trak bilong ol i kam helpim bikos narapela trak bilong Boroko stesin i bagarap na slip nating i stap. I bin gat ol dispela kain hevi i kamap ples kliia planti taim pinis long NCD tasol wok bilong stretim na helpim Paia Dipatmen i no kamap yet.

Wan wik bipo long dispela bikpela paia i kamap, i bin gat pablik dibet long ol niuspepa long ol paia haidren, o ples we ol paia trak i save kisim wara, insait long siti na husat i bosim wok bilong putim ol haidren. Em i wok bilong Eda Ranu tasol ol tu i gat gutpela bekim. Eda Ranu i tok ol pablik i save bagarapim ol haidren olsem na bai ol i putim long ol ples we i seif na ol man nabaut i no inap bagarapim. Ol i luksave tu olsem ol lain husat i wokim ol nupela haus long siti nau, i wok long karamapim ples we ol haidren i



bin stap bipo. Ol i no kliia o ol i no wari long taim bilong paia bai paia trak i kisim wara we.

Ol kain ples olsem Mosbi siti i

mas gat ol nupela paia trak wantaim ol ikwipmen na ol wokman na meri husat i kisim gut trening long wok bilong stopim paia. Dis-

pela samting i mas kamap nau. Nesenel gavman wantaim NCD i mas painim mani bilong stretim paia dipatmen bilong siti. Sapos ol

inap painim mani bilong skruim wok i go yet long sanapim ol bikpela haus insait long siti na wokim ol 4 lein haiwe, orait ol i ken painim kain mani olsem tu long stretim paia dipatmen bilong Pot Mosbi siti.

Dispela siti i wok long gro bikpela hariap tru na i gat ol haus na bisnis i stap pinis ausait long 8 na 9 Mail na i go olsem. I no gat ol paia haidren long ol dispela nupela developmen na ol papa bilong haus bai kisim taim sapos paia i kirap.

NCD wantaim Eda Ranu i ken kamapim lo we i tambu tru long ol pipel i brukim o blokim o karamapim ol ples we paia haidren i sanap. I mas gat strongpela lo long stopim ol pipel i bagarapim ol paia haidren. Ol pipel i mas save olsem paia haidren i gat wok bilong sevim laip na propeti bilong ol pipel. NCD i bin putim strongpela lo bilong stopim buai, orait ol i ken kamapim strongpela lo tu long stopim ol bagarap i kamap long ol paia haidren.

Yumi no ken slip tumas. Bikpela senis i wok long kamap long siti, orait i mas gat senis i kamap tu long ol lain husat i lukautim wok bilong paia dipatmen insait long siti. Taim bilong sutim tok i go kam i mas pinis nau. Sapos olgeta imejensi lain wantaim NCD na Nesenel Gavman i wok bung bai siti inap long winim dispela bikpela hevi.

Manmeri wet yet long kisim helpim long Egrikalsa Dipatmen

EGRIKALSA o wok didiman i wanpela long ol bikpela sekta olsem, helt, edukesen, rot infrastraksa, pawa, komyunikesen na wok bisnis long sampela ol kantri.

Long Papua Niugini gavman i givim gutpela luksave long dispela ol sekta tu.

Dispela long wanem long 2017 Mani Plen em i givim K497 milien. Dispela i daunbilo K660 milien mani em i givim long 2016 Baset bilong en.

Long 2017 mani plen egrikalsa sekta i wanpela bilong ol 5-pela prairoriti o namba wan sekta gavman i laik sapotim na dispela ol hap em:

- Strongim ol sekta o hap we bai sapotim gut manmeri;
- Painim ol gutpela rot bilong karimaut gut wok sevis na developmen plen bilong en;
- Putim mani i go stret long ol provins na ol distrik na kisim gut ripot bilong



wok bilong dispela ol mani;

- Skruim yet sapot bilong en long helt, edukesen, rot na bris, agrikalsa;
- Lo na Oda wantaim wok bilong Ami na Woda (Koreksinel Sevis).

K26 milien i daubilo liklik tasol wanpela i ken kamapim sampela gutpela samting long dispela sekta.

Tasol askim i stap long we dispela mani i stap o we em i go long em? O sapos i gat plen long yusim dispela mani yet na we stap dispela plen? O sapos Dipatmen i yusim sampela mani pinis we stap ripot bilong dispela ol mani?

Dispela ol askim i kamap bihainim kain stap ol manmeri i stap long em bikos i nogat wanpela tok kliia i kamap bai ol manmeri i save helpim i go long em.

Planti bilong ol manmeri i stap long ples long ol ruel eria we ol i stap long strong bilong kakau, kopi, kokonas, wel pam o gaden kaikai.

Nau yet planti bilong dispela ol samting i gat sik na olsem manmeri i no inap kisim gutpela helpim long sait bilong mani long sapotim ol yet.

Na bihainim mani gavman i makim long mani plen manmeri i wet yet long lukim o harim sapos helpim i go pinis o bai go bilong pinisim sik na strongim kakau, kopi na kokonas indastri?

Ol i laik save Minista bilong Egrikalsa wantaim Dipatmen bilong en bai yusim dispela mani long helpim ol o nogat?

O sapos em i givimi pinis helpim em i mas kliaplea long hap na hamas helpim em i

givim pinis.

I gat ol hevi i bungim yet dispela sekta olsem:

- Nogat maket o gutpela ples bilong mekim maket;
- Nogat rot o bris bilong kisim samting i go long maket o salim samting bilong ol;
- Ol didiman opisa i no mekim patrol o go raun helpim ol manmeri long wok didiman bilong ol;
- Sik bilong kes krop olsem sik kakau, kopi, kokonas, banana i stap yet;
- Papagraun i no redi long givim graun long wok didiman o sanapim maket na
- Pasin korapsen long stilim na yusim nating mani gavman i givim.

Tok tenk yu na amamas i go long gavman long givim gutpela luksave tasol inap long sampela ol hevi we mipela i tokaut long em i pinis manmeri bai wet yet long kisim gutpela helpim long Agrikalsa Dipatmen.

Lukim ol piksa bilong ol Lida i stap long bikpela na laspela lida Samit bilong 2017 i kamap long Pot Mosbi long tupela de. Olgeta Administreta bilong wanwan provins i kam long dispela bung. Ol poto Nicky Bernard.



Nambis bilong Madang taun i bagarap



MULLG mas wokim ston-wol long banisim solwara long brukim graun.



Ol lain kokonas we ol yangpela i planim long taim Sir Arnold Amet i stap Gavana bilong Madang.



Paiawut maket bisnis kirap pinis long Tusbab Bis... Madang taun kaunsil stap we?

James G. Kila i raitim

TUSBAB bis em wanpela nambis i gat gutpela nem long bipo 1960 i kam inap 1980s we olgeta lain i save go malolo, waswas na sindaun kisim gutpela kol win na ritim buk o mekim stadi.

Dispela nambis i stap long naispela kona na i lukluk i go aut long Astrolabe Be i stap long Saut Kos. Ol ailan bilong Yabob olsem Mareg, Yabob, Ningur na ol Bilibil ailan tu i drip ausait na mekim ples i luk nais tru.

Tude, dispela naispela ples i no moa luk olsem bipo. Sampela lain i wokim dispela eria olsem 'maket ples' bilong salim paiawut.

Ples tu i luk doti tru na no gat lain save klinim nambis na stretim ston banis.

Tupela poto long dispela ples i soim ol bikpela hip paiawut em sampela lain i brukim na lainim i stap long ol kastoma i go baim.

Planti lain husat i stap longpela taim long Madang taun i no amamas long lukim dispela kain pasin i wok long kamap long nambis. Ol i askim, Madang Eben Lokal Gavman o taun kaunsil i stap we?

Pablik tromoi pipia long ol rip long Kalibobo

Wanpela pasin nogut nau i kamap long nambis em ol pipel long taun save karim ol plastik pipia go tromoi long rip o ston arere long nambis. Dispela em no stretpela pasin. Dispela ol pipia i bagarapim tru gutpela lukluk bilong nambis.

Sapos yu wokabaut stat long Madang Kantri Klap i go olsem long Kalibobo Laithaus, bai yu lukim planti plastik beg pulap long pipia ol manmeri i tromoi antap long ol rip o ston arere long nambis. Ol i mekim ples i lukim nogut stret. Long taim bilong bikpela solwara o hai tait i kam, solwara i save rausim ol pipia na karim i go tromoi gen long nara-pela hap na dispela i bagarapim ples.

Maket kirap arere long Nambis

Tude sapos yu ran long kar o wokabaut long nambis stat long Tusbab Bis i go olsem long Kalibobo Lait haus, bai yu lukim ol lain i salim buai na smok arere long nambis.

Ol dispela lain i save sanapim ambrela bilong ol yet na sindaun wantaim tebol maket na salim ol samting.

Taun kaunsil i no wokim haus we ol lain ken go malolo na sindaun na salim samting.

Wanpela asples lida na promota bilong Madang musik, Alfred Sibut i tok sapos Madang taun LLG i kamapim gutpela ston banis long Tusbab Bis i go olgeta long Kalibobo Laithaus bai gutpela tru we ol turis bai laik go malolo long en.

Stella nambis ston bruk bruk

Bipo, pastaim Primia bilong Madang husat i dai pinis nau, Max Moeder i bin wokim wanpela piknik eria we em i kolim 'Stella's Place' we em i givim nem bilong meri bilong em. Dispela ples i stap arere tasol long Masin Gan Bis, na ol manmeri na pikinini save go waswas, mekim BBQ na piknik.

Tude, dispela eria long Stella's Ples i no moa luk olsem bipo. Ol ston i bruk bruk na no gat mentenens wok i kamap.

Kokonas Sir Arnold Amet planim gro i stap

Tude, sapos yu nupela man o meri i ran long kar bihainim Kalibobo Draiv, bai yu lukim ol kokonas i gro arere long nambis. Dispela ol kokonas em pastaim Madang Gavana, Sir Arnold Amet i bin kamapim aninit long program bilong "Madang Beautification".

Dispela ol kokonas i kamapim gutpela ples long ol pipel i ken go malolo na kisim win arere long solwara.

Dispela ol kokonas em gutpela long sanap olsem diwai long stopim graun i bruk arere long nambis. Ol i stap olsem rot long daunim ol hevi bilong Klaimet senis.

Sori tru olsem ol arapela lida tude i no tingim nambis bilong Madang na kamapim ol projek we i ken soim Madang olsem em



Stella's Ples em pastaim Madang Primia, Max Moeder i wokim. Tude no gat mentenens i kamap long en. Ol poto: James G. Kila

TORO



BIABIA



KANAGE



Oi Yunit long Rainbow i stap long Rent!

I gat haus bilong rent i stap long Rainbow Estate
 Seksen 506, Lot 60 na 61 – Word Publishing Kampani Kompaun.
 Long Rainbow Estate nau i gat 5-pela tripela betrum haus i stap fri long rentim. I gat bikipela banis na sekyuriti geit na lait i stap.
 Prais bilong rentim em K4,000 tasol long mun.
 Planti mango diwai, plawa na planti gutpela klinpela win.

Plis ringim Buana Ragela o Elizabeth Konga long telepon namba 325 2500 long toksave.



Poems

Memories of a Dead Kinsfolk

By: Niko Numana

The mistakable echoes of a firing musket
 Thunders
 Almost splitting my eardrums
 Another brother is down
 Never to trot again on
 The soil of
 Our forefathers

Dying like a fly
 Lying like a dog
 Rotting like a log
 Ever flowing like a stream
 Overflowing like a passing tide
 Are my tears
 Gushing like a mountain stream
 Is the blood of my dead Kinsfolk

Oh how I mourn
 For you
 My dear one
 Your blood
 Your death
 Has awakened me
 The slumbering echoes
 Once more of
 A dormant fire
 The longing for
 An Autonomous island



STORI BILONG TUMBUNA

Watpo taragau makim Hagen

Long bipo tru i no gat wanpela man i stap long ples Eglem. Planti meri i stap long dispela ples. Wanpela taim san i kamap na i gutpela taim bilong i go long bus na painim kapul. Nau ol meri i tingting long i go bus na painim rop bilong wokim bilum. Ol i redi long go nau ol i kisim planti kaukau na i slip.

Tumora moningtaim tru ol i kirap na wokabaut i go long bus bilong painim rop bilong wokim bilum. Ol meri i stat long wokabaut i go long bus, ol i kamap long hul bilong maunten na skelim sampela i go long arere bilong wara em i kisim rop i go, na i lukim haus bilong wanpela pisin i stap. Meri ya i kisim dispela haus pisin, i lukim wanpela kiau bilong pisin i stap. Nau meri i kisim dispela kiau ya. Nogat, em i brukim. Nau meri i kisim dispela na kaikai.

Bihain em i kisim sampela rop na i kam painim ol wantok, na ol i kam long haus bilong ol. Em i no tok save long ol brata bilong em long em i kaikai kiau. Em i kam

tasol. Na tripela mun i go pinis na yangpela meri bel bilong em i solap nau. Ol brata bilong em ol i askim em, brata yu kaikai planti na bel i solap. Meri i tok nogat.

Ol i stap i go na winim 9-pela mun. Meri i klostu karim pikinini, i pilim pen, na i mekim kain kain pasin. Em i slip long graun, rabim graun long skin bilong em, krai na klostu i laik indai nau. Ol brata bilong em i no lukm wanpela kain pasin olsem bipo. Ol brata bilong em ol i tok, Ating em i laik i dai na mekim olsem. Nau ol i lukuk i stap na meri wantok ya i karim pikinini man. Ol meri lukim dispela pikinini man, ol i guria nogut tru long dispela pikinini man. Olgeta meri i amamas tru long dispela pikinini man. Ol i kis long meri i karim pikinini man.

Nau ol i kisim dispela na lukautim i stap na winim 3-pela mun. Mama bilong en na brata bilong em, tupela i

kisim dispela pikinini i go long gaden. Tupela i putim pikinini long as bilong diwai long ples kol, na tupela i kisim kukamba i stap.

Wanpela taragau i plai i kam sindaun long han bilong diwai, pikinini i slip long en. Tupela mama i lukluk i stap. Wantu, taragau i plai i kam daun na kisim dispela pikinini man long tupela lek bilong en na plai i go antap na sindaun long han bilong diwai. Tupela mama i bikmaus na singaut strong, tasol taragau i tok, "pikinini bilong mi nau. Mi kam kisim i go. Yutupela i go long haus bilong yutupela."

Taragau i toktok na i sindaun yet long han bilong dispela diwai. Tupela mama i krai na tromoi stik i go antap. Tasol i no inap. Bikmaus tasol i no inap. Klostu san i go daun, taragau i tokim tupela mama: "Yutupela i go long haus, pikinini bilong mi nau mi yet kism i go."

Tupela mama i krai sori nogut na rabim graun long pes na i kam long haus na stori long ol arapela meri olsem. Long taim mipela i go long bus bilong painim rop bilong wokim bilum, long dispela taim mi kisim kiau bilong taragau. Ating long dispela mi karim pikinini man bilong taragau yet i tokaut na kisim pikinini i go.

Ol mama i krai sori i stap. Bihain ol i mekim pati long pikinini bilong ol yet i mekim wok long gaden bilong lusim tingting long pikinini bilong ol na i stap nating.

Taragau i kisim dispela yangpela boi i go long bus na i putim long hul bilong diwai. Taragau i go raun long bus na kilim kapul, kisim i kam na givim pikinini boi bilong en. Oltaim taragau i mekim olsem i go na yangpela boi i kamap bikpela. Nau pikinini i no inap moa slip long hul bilong diwai. Olsem na klostu san i go daun, taragau i bringim yangpela boi



i kam long ples bilong ol mama i stap long en. Ol mama i mumuim kaukau pinis na i kam ausait na mekim kain kain stori i stap.


Nau ol i harim win bilong pisin i pairap. Ol i kirap na lukluk i stap ya taragau i bringim yangpela boi kam klostu long meri i stap long en, ol mama i kirap nogut tru na holim pas dispela boi. Na taragau i plai i go long bus.

Nau dispela boi kamap

bikpela na i maritim ol mama bilong em yet na karim planti pikinini man. Dispela lain man ol i save kolim Munjika. Ol i slip klostu long Tiria insait long W.H.P.

Taim ol dispela lain i laik singsing, ol i save pasim gras bilong taragau. Ol man i kamap patpela na naispela tru. Ol arapela lain man i save tok, ol dispela lain Mujika i kamap long taragau na i kamap gutpela.

Em nau! Ol pikinini i ken painim rot i go long ples wantaim Wantok lain...



Stat hia
Yu pinis! Em ples bilong yu

Ansa bilong Wod Pilai isu 2218



PAINIM WOD PILAI

Ol wod lista:

- WANPILAI
PUSPUS
KRANGUTMAN
TOKAUT
GOL

- LAS (2)
DRAIPELA
SOLDIA
BIPO
PLET
KOL
TRABEL

- LOLI
NARAWA
ANIS
REN (3)
BUKA
OFA
SUPKA

- MAK
HAT
NAR
ALTA
ROP
MARBEL
BRINGIM

I X G Z S E R N K R C D L O J Q Z I G M W E W I T
S G A O F D A E M O E E A I T I I E A M S E A O R
O P F W C I P A T B I G E E A R G E X I K E N F E
N H O M S J F P R C I H I D G H I H A P L E T A S
T S F J I W S I D A K U R S F L S D L Y I G I B O
H V M A E U L U M X O E M K R N E O Y C I D E N G
B L T I E N D R G T L R E I T M C T O T L P U C M
F S E P O N O T M E O F E R H P B I P O A R E I U
H E C I G C R L R I A G H N L E I N S K S S N K S
P S A S S P A B C K P Y S G W S L A S A F A E Y B
V A K N R E N F P G R Z A E S N E P O U M R E N T
C N T C S R I U S U T T S M T A O Q E T I Z B D P
R G P S I Y S G N M S S T A A R W W U A A H E I G
D E S G I R P Y Q S G P H B U K A G F L F O E E E
C M E F A C R W H T V I U J T R N B E T J F P D E
I N X D A I G V O A K Z P S A A P P E A E L I S G
U F N H G H S J H T M T E N R Q I S L L S E N L D
T I L A P N R G U M D D H K Y A L E G O L I F C O
I P U D E Q M O S U N P O E R M A R B E L O N T E
E M G I J X X Q X M R L T D B R I N G I M I U O E



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

Vanuatu i makim Wol Wara De



Wanpela pikinini i dringim wara.

Caroline Tiriman i raitim

OL pipel bilong Vanuatu i mas luksave na bihainim ol gutpela rot bilong yusim ol doti wara long ol narapela samting na no ken westim nating.

Minista bilong Lens na Wara Risoses, Ralph Regenvanu i bin mekim dispela tok-tok bilong makim Wol Wara De las wik long Port Vila.

Vanuatu wankain olsem ol narapela ailan kantri long Pasifik i save wari long wara long ol gutpela taim na tu long ol taim bilong bikpela san na ples i drai.

Het tok bilong dispela Yunaitet Nesens Wol Wara De em 'waste water' o pipia

wara na Minista bilong Lens na Wara Risoses, Ralph Regenvanu i tok, ol pipel nau i mas lukluk long ol gutpela wei long no ken toromoi nating wara, tasol ol i mas lukautim long planim ol samting long gaden.

Minista Regenvanu i bin go pas long ol bung long Port Vila bilong makim Wol Wara De na em i tok wara em i bikpela samting long laip bilong ol pipel.

Long ol wok bilong bringim wara i go long ol komyuniti, dairekta bilong Wara Risoses Erickson Sammy, i tok dipatman bilong em i wok long mekim planti wok long kamapim gut kwaliti bilong wara long kantri.

Akuakalsa i narapela rot bilong helpim Pasifik pipel

Sam Seke i raitim

SEKETERIET bilong Pasifik Komyuniti (SPC) i gat program we Nu Silan gavman i givim mani long en, bilong helpim ol Pasifik Ailan kantri long kirapim akuakalsa o fam bilong ol pis na kindam.

Dairekta bilong Fiseris long SPC, Moses Amos i tok as bilong dispela em bikos ol pis klostu long nambis long Pasifik i wok long pinis nau. Em i tok wanpela kantri we i go pas long fres wara akuakalsa em i Vanuatu. Ol i wok long kirapim ol talapia, baramandi na kindam fam.

Mista Amos i tok ol i wari long taim ol nupela pis bilong ol narapela kantri i stap long ol dispela fam i kalap i go long ol riva na bagarapim ol lokal pis. Tasol em i tok i



Akuakalsa fiseri i wok long kamap gut long Vanuatu.

gat wei bilong kontrolim na manesim gut ol fam na stopim dispela hevi long kamap.

Akuakalsa tu i wanpela long ol samting we ol het bilong fiseris long 22 Pasifik kantri na teritori i bin toktok long en long miting bilong ol long Noumea, Nu Kaledonia las wik.

Bogenvil meri i winim 2017 Komonwelt Awod

Caroline Tiriman i raitim

WANPELA yangpela meri bilong Papua Niugini i kisim pinis bikpela luksave olsem Pacific Young Person of the Year, long Komonwelt long mekim ol wok long yusim spot na sapotim jenda ikwaliti.

Jacqueline Joseph, husat i bilong Bogenvil i bin statim wanpela NGO grup ol i kolim Equal Playing Field, long skulim ol haikul studen long ol gutpela pasin namel long ol man na meri bilong helpim ol i daunim pasin bilong vailens long ol wan wan famili long bihain taim.

Mis Joseph i bin kisim dispela awod long London i no long taim i go pinis.

Ol narapela yangpela pipel bilong ol Komonwelt kantri husat i bin kisim dispela awod tu i bin kam long

Malawi long Afrika, wanpela bilong Guyana long Karibbean na narapela i bilong Sri Lanka.



Jacqueline Joseph i holim Commonwealth Pacific Young Person of the Year Awod.

PNG Kopi kwarantim wok

Caroline Tiriman i raitim

WANPELA lida bilong kopi indastri long Papua Niugini i tok ol i wok long mekim ol awenes o tok save i go long ol pipel long ol boda wantaim Indonesia long no ken planim kopi klostu tumas long boda long stopim sik kopi beri bora i kalap i kam insait na bagarapim kopi bilong PNG.

Dr Mark Kenny bilong PNG Kopi Indastri Kopresen i mekim dispela toktok taim ol i go het long traim stopim dis-

pela sik em i stap nau long Jiwaka na Isten Hailans provins.

Kopi indastri i save bringim samting olsem 280-million dollar long ikonomi bilong PNG long wan wan yia, tasol sapos ol i no stopim kwik dispela sik, bai em inap long bagarapim indastri na tu, kamapim hevi long ol liklik kopi fama.

Dr Kenny i tok, planti ol fama i wari tru long dispela sik long wanem, kopi em i wanpela rot ol i save kisim mani long en long helpim sindaun bilong ol long ples.

Wol Fores De 2017

Sam Seke i raitim

LONG Mas 21, ol kantri long wol i save makim Intenesenel De ov Fores. Het tok bilong dispela yia em Forest and Energy.

Olsem yumi save gut, fores o bikbus em i impoten samting long laip bilong yumi long Melanesia.

Planti pipel bilong yumi i stap long rural eria na ol i strong long bus long laip bilong ol.

Ol i save yusim bikbus long painim ol kain kain kaikai, wara bilong dring, waswas na painim abus tu, na ol samting bilong wokim haus na ol bilas na arapela samting.

Partners With Melanesians em i wanpela non-gav-

man ogenaisesen grup i wok long helpim ol papagraun long Papua Niugini na ol arapela kantri long Melanesia long lukautim ol bikbus bilong ol.

Eksekutiv Dairekta na Senia Forestri Opisa bilong Partners With Melanesians, Kenn Mondiai i tok lain bilong em bai makim dispela de long Fonde.

Em i tok bai ol i opim wanpela projek bilong ol long Kairuku Hiri distrik long Sentral Provins ol i kolim, Inainai Wail Laip Manesmen Eria.

Mista Mondiai i tok ol komyuniti lida long Inainai i laik konsevim 9,721 hekta long fores bilong ol we bai no gat wanpela loging i kamap long en.

PNG bilum i kamap long Pasifika Festival



Ol bilum bilong PNG.

Caroline Tiriman i raitim

OL bilum ol mama bilong Papua Niugini i wokim bai stap long bikpela Pasifika Festival long Auckland, Nu Silan long dispela wiken.

Ol bilum wantaim ol kain kain naispela kala i stap olsem wanpela kain samting em i bilong PNG stret.

Planti bisnis lain bilong ol narapela kantri bai stap tu long dispela festival em lain bilong Pacific Islands Trade & Invest (PT&I) Pacific Path

to Market i sapotim.

Dispela festival bai traim long helpim ol Pasifik Ailan pipel na ol bisnis lain long painim ol maket we ol i ken salim ol samting o prodak bilong ol long Nu Silan.

Sharlene Gawi, Eksekutiv Opisa bilong Bilum Ekspot Promosen Asosiesen (BEP) long PNG i sanap makim asosiesen long festival na em i tokim Radio Australia em i amamas tru long soim ol PNG bilum long dispela festival.

Dr Teresia Teiawa Pasifik tisa na ektivis i dai



Dr Tarcisius Tara Kabutaulaka na Dr Teresia Teiawa.

Caroline Tiriman i raitim

OL pipel bilong Pasifik i lusim pinis wanpela save-meri long edukesen na tu long laip bilong ol meri, kalsa bilong ol Pasifik pipel wantaim tu wari bilong kolonialism.

Dispela em toktok bilong Dr Tarcisius Tara Kabutaulaka, Asosiet Profesa long Yunivesiti bilong Hawaii bihain long indai bilong Dr Teresia Teiawa, (tee-AH-wa) long wanpela haus sik long Nu Silan las wik.

Dr Teiawa husat i bilong Fiji i bin wanpela meri em i

save toktok strong egensim ol bikpela hevi long Pasifik olsem nuklia program em France i bin mekim long Mururo Atol long French Polynesia, na tu em i save mekim planti toktok na sapotim laik bilong ol Wes Papua pipel long bruk lusim Indonesia.

Em i bin wanpela leksera long Pasifik Stadis long Victoria Yunivesiti long Nu Silan inap em i dai.

Asosiet Profesa Tarcisius Tara Kabutaulaka, i bin skul wantaim Dr Teiawa taim ol i yangpela yet long USP na em i wanpela pren bilong em inap em i bin dai las wik.

Ol NGO egensim dip si maining

OL NGO grup bilong PNG i bung wantaim ol arapela grup long Australia, Jemani na ol arapela hap bilong wol long toktok strong long stopim dip si maining. Ol i salensim ol lo em Intenesenel Si Bed Atoriti (ISA) na gavman bilong Jemani i wok laik strongim long wanpela miting long Berlin long dispela wik.

grup Alaiens ov Solwara Warias bilong Papua Niugini i tok ol i les pinis. Em i tok Solwara 1 Projek em i nupela samting na ol pipel i no laik ol ovasis lain i yusim ol na Bismak Solwara em i no wanpela saiens laboratorii bilong Nautilus Minerals Inc.

Em i tok ol pipel bilong Pasifik i was long bikpela solwara tru long wol na dispela solwara i joinim ol pipel wan-

taim. Em i tok solwara i impoten olsem graun bikos i gat ol kaikai na narapela samting bilong helpim laip bilong ol pipel i stap insait long solwara.

Em i tok tu olsem moa pipel long PNG na Pasifik i wok long egensim dip si maining bikos dispela pasin bai bagarapim solwara olsem na ISA na gavman bilong Jemani i mas stopim dispela wok bilong dip si maining.

Kes mani i stap insait long Trukai "Roots"

WANPELA promosen i kamap long makim laip tru bilong 'Charlie na Soklet Fektori' em stori bilong ol pikinini, Trukai i wok long givim ol kastoma sans long winim K1000 nau tasol taim ol i opim wanpela Roots Rais 10kg o 20kg bek Medium Gren Rais.

Trukai industri namba wan bren, Roots Rais em i namba wan kaikai bilong ol Papua Niugini na nau em i laik givim bek sampela samting long ol kastoma bilong en.

Dispela resis long painim K1000 insait long bek rais, bilong 10kg o 20kg Roots Medium Grein Rais.

Dispela winim nau yet, "Instant Win" promosen bai pinis long 30 Epril.

Sans long winim em isi tru. Taim yu baim rais bek

bilong Roots Medium Grein Rais, yu lukluk go insait na sapos yu lukim wanpela spesel ROOTS tenkyu sain bilong lewa. Sapos yu painim lewa em yu win pinis!

Wanpela piksa bilong lewa i gat K1,000 mak wantaim 50 lewa long ol kastoma i ken painim long olgeta hap bilong kantri, tasol nau yet i no planti lain i laki long winim dispela.

Namba wan wina bilong Lae i kisim pinis K1000 kes mani i no longtaim i go pinis. Ol wina i mas givim bek lewa i go long ol Trukai Depo na senisim wantaim kes mani. Sapos yu painim planti lewa, bai yu winim moa mani.

Wina i mas go long wanpela Trukai Depo klostu long yu na soim spesel piksa bilong hat wantaim Aidentifikesen poto bilong yu we

bai ol i ken luksave olsem yu tasol i wina.

Olgeta kes mani prais bai ol i salim long Post PNG Salim Moni Kwik sistem.

Mak bilong lewa em i gat hat long fran wantaim Roots logo long baksait. Long baksait i gat kongresulesen tok-tok wantaim tok save long we bai wina i go long Trukai opis klostu.

"Em i isi prais bihainim stori bilong 'Charlie na Soklet Fektori' we yu save baim na lukluk insait long karamap long win," Andrew Daubney, Jeneral Menesa bilong Sels na Maketing bilong Trukai Industri i tok.

"Toksave bilong mipela em isi tru, 'Painim Lewa'. Olsem na mipela wok long askim ol kastoma long painim lewa insait long Roots Rais.

Prais bilong kakao go antap

LONG dispela mun maket bilong salim ol bikpela komoditi olsem wel, ges, gol na kopi i lukim prais bilong kakao i go antap.

Prais bilong kakao i go antap 6.6 pesen long pastaim prais em i bin gat long em lonhg 5.6 pesen.

Prais bilong kopi i go daun 0.1 pesen pastaim long em i bin stap 0.1 pesen.

Wel pam prais i go daun 2.6 pesen we pastaim i bin stap 11.7 pesen

Long taim dispela i kamap prais bilong ol arapela komoditi i stap daunbilu tu.

Prais bilong ges (LNG) i stap wankain yet.

Bihainim ripot bilong Platts, Not Is Esien prais i go daun 2.1 pesen long mun i go pinis.

Wanpela akaunting kampani, S&P Global ripot i tok i no gat klia save sapos bai gat senis long prais bilong ol arapela komoditi.

Ripot i bilip prais bilong ges bai kamap gut long liklik taim.

"Sapos yu wok long LNG nau, yu bai laik stap long Asia, bikpela wol maket bilong eneji," S&P Global ripot i tok.

"Tasol long taim i gat bilip long prais bilong ges, i gat planti tingting tu sapos prais bai go antap na bai stap antap olsem long sampela taim."

Ripot i tok i gat 70 pesen nid long eneji long Esia kontinen

"Long wankain taim maski i gat bikpela laikim long eneji i gat wari tu olsem bai gat bikpela saplai long eneji

na dispela bai daunim prais bilong ges.

"Bai i gat moa saplai i kam long Amerika na Australia na dispela bai mekim prais bilong ges i stap daunbilu yet."

Ripot i soim West Texas Intermediate i go daun 11.4 pesen we long pastaim i stap long 10.9 pesen.

Prais bilong gol i go antap 0.4 pesen we long yia i go pinis i bin stap 9.3 pesen.

Prais bilong silva i go daun 1.1 pesen tasol i stap antap long 13.3 pesen moa long yia i go pinis. Wantaim dispela prais bilong kopa i go daun 2.2 pesen na i stap daunbilu long 11.7 pesen daunbilu long yia i go pinis.

As bilong ol prais i go daun em bikos maket long Amerika i stap strong.

Yamaha mekim bikpela projek long PNG, Abe i tok



Ol wok man i traim nupela bot long solwara. Poto: Ela Motors

Bikpela projek bilong Yamaha nau i stap we?

Long bekim sif eksekutiv opisa bilong kampani Takeshi Abe i tok dispela projek i stap long Papua Niugini.

Em i tok nupela 23-fut bot nau em ol i mekim long Alotau, Milen Be.

Long Papua Niugini, 23-fut bot i standet bot ol manmeri i save yusim na ol i save gut long em.

Dispela i gutpela bikos em i stretim hevi bilong ol long ran i go i kam. PNG i gat olsem 5150 kilomita nambis na wara long yusim bot.

Long ol yia i go pinis Yamaha i save givim tok orait long Ela Motors long salim ol bot na narapela samting bi-

long em tasol nau i laik salim dispela ol samting em yet.

Tasol tupela yia i go pinis Ela Motors sif eksekutiv opisa Takeshi Abe i tok i bin gat ol toktok i kamap namel long ol na Nesenel Maritaim Seft Atoriti (NMSA) long ol long lo bilong kisim ol kain bot i kam insait long kantri

Wantaim long dispela i gat long bilong mekim wok bisnis tu kamap.

"Mipela i bin bung wantaim NMSA planti taim long tokaut klia long wok bilong sefti," Abe i tok.

Ol bot i mas karim 8-pela pasindia tasol i traim long karim moa long 18 pasindia.

"Mipela i testim dispela wantaim ol manmeri na

olsem bot i no go insait long solwara.

Abe i tok Ela Motors i gat teknikel helpim tok orait wantaim Yamahi long mekim nupela ol bot.

"Mipela i makim kampani na fektori i mekim ol bot."

Ela Motors i stap olsem ritela we em i kisim long ol bot na salim long ol kastoma.

Lokal kampani we i save mekim ol bot em Samarai Plastik na em i save mekim na i save mekim moa long 1000 faibaglas bot long wanpela yia.

Em i tok fekotri i stap long Alotau na paia i bin kukim long Oktoba, 2016 na nau yet i mekim ol bot long wanpela haus nating.



Piksa bilong lewa na Roots Logo.



NRL ROUND 5

31st March 2017 at 1300 Smiles Stadium, Townsville

COWBOYS

V

RABBITOHS

Convenient
direct flight
service to
Townsville

FROM
K2,410*

PER PERSON / TWIN SHARE

3 Nights package includes:

- Return airfares Port Moresby to Townsville
- 3 nights accommodation
- Full buffet breakfast in Celsius restaurant
- Return airport transfers
- Return transfers from hotel to stadium
- Game ticket
- All travel taxes and surcharges

Air Niugini

www.airniugini.com.pg

Call Toll Free on 180 2121

for more information.

* Strict conditions apply. Valid for 31 March to 2 April 2017 only.

Nupela bris bai helpim 40,000 pipel

Mathew Yakai i raitim

NUPELA bris long Lowa Kagul distrik long Tambul-Nebilyer ilektoret bai givim gutpela sevis i go long 40,000 pipel.

Moa long 2,000 pipel i bin kamap long ples Wambul long lukim ol i opim Kupir Bris long Sarere Mas 25. Dispela bris bai i opim rot bilong ol pipel i go long ol narapela hap bilong Westen Hailans provins.

Dispela 5 mita simen bris em wanpela ensina bilong ol yet, Petrus Dake i bin disainim na ol wanpinis bilong Poika Pageme na Mundika Gaulga i bin sanapim.

Lokal binisman na manesing dairekta bilong Norman Finance Ltd, Gabriel Andandi i bin givim K80,000 long sanapim dispela bris. Ol pipel i bin stat wok long Februeri 8 na wok i pinis long tupela wik.

Long taim bilong opim dispela bris, Mista Andandi i tok sapos ol pipel i laik lukim divelopmen, orait i mas gat rot na bris long bringim sevis i kam long ol pipel. Ol pipel i mas gat rot long go kism gavman sevis tu na salim ol samting long maket.

Ol pipel yet i bin wokim Pokorapuk Rot long samting

olsem 15 yia i go pinis. Tasol gavman i no bin luksave na sanapim bris na stretim gut

dispela rot. Tambul/Nebilyer i win tru long ol kain kain kaikai bi-

long kol ples olsem poteto, kabis, brokoli, karot na ol arapela kain kaikai olsem.



Wanpela lenkrusa i traim nupela Kurpir bris.



Gabriel Andandi – i toktok long ol pipel i kamap long opim nupela bris. Poto: Mathew Yakai.

Didiman toktok



Profesa John Warren - Vais Sansela, PNG Yunivesiti bilong Nesurel Risos na Envairomen i raitim

ACIAR Balsa Projek Fact Sheet #6:

Ol mani i kamap long salim Balsa

Mani fama bai kism

Fama i ken save hamas mani bai kamap long balsa taim em i skelim wantaim ol dispela samting:

Tok piksa olsem, sapos yu laik salim 60 diwai bai kamapim 24 kubik mita balsa log long K17 pe kubik mita, mani yu bia kism em K408. Yu bai mas rausim sampela bikpela kost olsem long baim balsa sit long save tru long hamas kes mani tru bai yu kism long groim balsa diwai. Em i bikpela samting long yu mas save olsem ol man bilong baim log i save karamapim kost bilong katim na kism diwai kamaut wantaim transpot bilong balsa log i go long somil.

Balsa log saik

Sais bilong balsa we ol i salim em i save sanap long longpela bilong em na raunpela bilong em. Yusim dispela log volum tebol long save long wan wan balsa log saik.

Step 1 – longpela bilong log: Yusim tep mesa long misaim longpela bilong balsa log long mita.

Step 2 – log daiamita: Yusim tep mesa long makim raunpela bilong en long tupela sait bilong balsa long long sentimita.

Step 3 – average log daiamita: Bungim mak bilong tupela sait wantaim long raunpela bilong en na brukim long tupela hap long kism namel saik bilong log daiamita o raunpela bilong en.

Step 4 – volume table: Painaim longpela bilong balsa log na namel saik bilong raunpela bilong en.

Eksampel:

- Wanpela balsa log em i longpela inap long 2.2 mita.
- Balsa log i gat pinis hap bilong daiamitas em 29 cm na 31 cm – namel saik daiamita em i 30 cm.

Balsa log i gat saik olsem 0.156 m3.

Lotim long trak: Ol tim bilong kism diwai bai karim olgeta diwai long bus na putim antap long log trak. Log trak i mas inap long go insait long ples bilong katim diwai na kism ol log i kamaut go long hap bilong katim i go long saik bilong en.

Ol prais bilong balsa log na peimen

Ol baim prais bilong balsa log inap senis na wanpela fama i mas lukluk ol dispela samting:

- I pas wantaim wanpela prosesa: Toktok wantaim dispela prosesa wantaim wanpela agrimen bilong salim pastaim.
- Painaim wanpela prosesa: Ol fama i mas go long ol lokal somil long baim ol diwai bilong ol.
- Pastaim long kism diwai: Prosesa i mas wanbel wantaim wanpela fama long prais long wan wan kubik mita bilong log pastaim long fama i go katim diwai na dispela i mas stap long rekot bilong Agrimen bilong Baim Balsa.
- Prais bilong log: Fama i mas was gut olsem mak bilong baia long baim ol log em i klia na i mas gat kopi bilong ol mesamen i stap wantaim fama.
- Long taim bilong katim diwai: Ol prosesa bai rekodim saik bilong log we ol i lotim i go antap long trak – fama i mas gat kopi bilong tali doket o pepa bilong wan wan trak.
- Peimen: Peimen bai go stret long fama long PNG Fama Atoriti. Ol fama mas sekim log prais olsem em i prais we ol i wanbel long en, olsem volum o saik i wankain long log tali pepa na olgeta kalkulesen em i stret.

Log mesamen: Mesamen bilong olgeta log em i saik bilong daiamita o raunpela bilong ol na longpela bilong ol, we ol i makim wantaim kreon. Wanpela tali klak o kukus i putim olgeta rekot bilong log we ol i lotim na dispela em i kamap olsem as bilong ol i kaunim ol saik bilong balsa log we ol fama i salim olsem na peimen bai mas go long fama.

Mani ol fama i kism bai kamap gut taim ol i salim ol balsa log wantaim nambawan prais na saik bilong log em ol i kaunim gut.

Kimbe Eben LLG klin-ap kempein



Inspekta Leo Ura bilong koreksen sevis soim manmeri long wei bilong tromoi pipia na spet.

Shirley Gar i raitim
UPNG Jenelisim sumatin

KIMBE Eben LLG (KULLG) wantaim ol polis divisin i wok bung long mekim kimbe taun kamap helti ples wer ol manmeri i ken stap hamamas.

Dispela patnasip progrem i stat long Janueri inap nau. As tingting bilong program em long daunim Lo na Oda insait long taun eria. Long dispela wei, ol polis na KULLG ken wok wantaim ol

yuts na save long ol samting ol i laikim long laip.

Long dispela wei KULLG ken kam insait long helpim ol yut i kamap gutpela manmeri long bringim in sevis long komyuniti na Gavman.

Ol i kirapim pinis ol hap olsem wod 1,2,3,4,5,6. Long las wik Trinde 22 Mas, ol stat klin-ap insait long taun eria, long Gigo na seksen 10. Ailait bilong de em ol kalabus na woda bilong Lakiamata koreksen sevis go pas

long program.

Long apinun ol pipol i lukim lonsing bilong 100 dram i kam yet long KULLG na KBSA. Elvis Matias bilong KBSA na CIS inspekta Leo Ura i soim ol manmeri long wei bilong spet na tromoi pipia go insait long dram.

Namba tu hap bilong program bai pinis long dispela wik. Ol polis i mekim drill long soim ol pipel long wei ol bai arestim man mekim rong. Ol dispela man mekim rong bai

sanap long viles kot na KULLG bai givim ol wok long klin-ap na katim gras long Taun Eria. Dispela tingting em wanpela wei long katim daun kos tu.

Deputi menesa bilong Kimbe Eben LLG, Jeffery Osa i tok, dispela tingting em efektif na sem taim ol pipel i luksave long gutpela bilong dispela program. Em tok tu olsem dispela program bai go het bikos LLG redim mani mak olsem k20,000.00 bilong dispela wok.

2017 NRL Dro bilong raun namba 5

Det	Hom	Awe	Pilai Graun	TV	Taim
Fonde, Mas 30			ANZ Stadium	Nine, Fox	8:05 pm
Fraide, Mas 31			Allianz Stediam	Fox	6:00 pm
Fraide, Mas 31			1300Smiles Stediam	Nine, Fox	8:05 pm
Sarere, Epril 1			Southern Cross Group Stediam	Fox	3:00 pm
Sarere, Epril 1			GIO Stediam	Fox	5:30 pm
Sarere, Epril 1			AAMI Pak	Fox	7:30 pm
Sande, Epril 2			Mt Smart Stediam	Fox	2:00 pm
Sande, Epril 2			ANZ Stediam	Nine, Fox	4:00 pm

2017 NRL Lata | TELSTRA PREMIASIP

Po-sisen	Tim	P	W	L	D	B	F	A	+/-	Pts
1		4	4	0	0	0	94	60	34	8
2		4	4	0	0	0	74	42	32	8
3		4	3	1	0	0	100	66	34	6
4		4	3	1	0	0	81	92	-11	6
5		4	2	2	0	0	98	58	40	4
6		4	2	2	0	0	96	66	30	4
7		4	2	2	0	0	90	64	26	4
8		4	2	2	0	0	71	65	6	4
9		4	2	2	0	0	74	74	0	4
10		4	2	2	0	0	86	90	-4	4
11		4	1	3	0	0	90	81	9	2
12		4	1	3	0	0	96	112	-16	2
13		4	1	3	0	0	54	88	-34	2
14		4	1	3	0	0	60	98	-38	2
15		4	1	3	0	0	74	116	-42	2
16		4	1	3	0	0	56	122	-66	2

Ol top pilaia bilong South Sydney i toktok long ol i lus

HAPBEK bilong Sputh Sydney Rabbitohs, Adam Reynolds, i tok olsem ol top pilaia bilong tim i bung na i toktok long ol i bin lus las wik Fonde egensim ol Roosters.

Nau ol i redi long go het na mekim gut long kala bilong ol egensim ol Cowboys long Fraide.

Wankain taim, kosa bilong NSW Orijin, Laurie Daley, i helpim ol long tokaut long 2017 Orijin siris tasol Reynolds i lukluk long pilai gut wantaim ol Rabbitohs bipo long ol bai makim em long Blues sait.

“Mi bai mekim wok bilong mi long South Sydney bipo long ol i mekim seleksen,” Reynolds i tok.

Nau ol Rabbitohs i lukluk long pilai strong egensim ol Cowboys long Townsville, Australia.



Ol Rabbitohs i lukluk i stap taim ol Roosters i putim wanpela trai long Raun namba 4.

Graham i joinim lista bilong tim poro bilong em



Wade Graham bai pilai egensim ol Knights long Sarere.

BIPO pilaia bilong ol Shark, Wade Graham, i bin risain klostu taim i tok em i laik kisim ples bilong em long bek-ro long gem bai kamap long dispela wiken egensim ol Newcastle Knights.

Graham i tokaut olsem em i no namba wan memba

taim ol Cronulla i bin winim premiasip.

“I no gat wanpela bikpela samting i bin kamap long pilai graun, tasol gutpwela tru mi bin kam longwe na nau mi bai mekim gut long gem bai kamap long Sarere,” Graham i tok.

Foran bai pilai egensim ol Titans


KOSA bilong ol Warriors, Stephen Kearney, i bilip olsem Kieran Foran bai pilai long dispela wiken bihain long ol i makim em faiv-eit bilong Raun 5 Telestra Premiasip resis egensim ol Gold Coast Titans long Mount Smart Stediam long Sande.

Foran i no bin pilai egensim ol St George Illawarra

long las wik Sande bikos han masol bilong em i tanim long taim ol i trening.

“Nau Foran i stap long lain long pilai long klap bilong em long namba wan taim long asples bilong em,” Kearney i tok.

“Nau mipela i bilip olsem Foran bai pilai strong na soim gut kala bilong em.”



Faiv-eit bilong Warriors, Kieran Foran, i no bin pilai long Raun 4.

Douglas i bilip Pacquiao bai daunim Mayweather



BIPO sempion bilong heviweit, Buster Douglas, i bilip olsem sempion bilong WBO weltaweit, Manny Pacquiao, bai winim pait bai kamap gen wantaim Floyd Mayweather Jr.

Douglas i bin daunim Mike Tyson long raun namba 10 long ai bilong planti manmeri long Tokyo, Japan long Februeri, 1990. Em i bikpela rekot long histori bilong boksen.

Mayweather i bin daunim Pacquiao long raun namba 12 long Me, 2015.

Nau, Douglas i bilip olsem Pacquiao bai tanim bek na daunim Mayweather long pait bai kamap gen.

Pacquiao na Mayweather i pait.

GLASIM RAMU NICO PROJEK

Wanpela Ramu Nico, Wanpela Komuniti



Ol sumatin long St. Martins long Lilau long Bogia amamas long infomesen buklet.

Sumatin amamas long infomesen bilong DSTP

HSE opisa Dickson Yoga givim ol infomesen buk long St Martins praimer skul long Bogia.



Ol elementeri skul sumatin long Matugar viles long Sumkar sindaun harim toktok.



HSE opisa Dickson Yoga givim ol infomesen buk long St Martins praimer skul long Bogia.

PLANTI handrt sumatin husat i bin sindaun harim ol toktok long aweanes bilong dip si teilings plesmen (DSTP) i amamas tru bikos ol i kisim planti gutpela na nupela infomesen em ol no save pastaim.

Het tisa bilong St Martins de Porres Praimeri Skul long Lilau long Bogia distrik long Madang i bin tokaut olsem ol gret 8 sumatin bilong em i amamas tru long ol nupela samting na infomesen ol i kisim taim ol lain opisa bilong Helt, Sefti na En-vairomen i bin go mekiim toktok long skul bilong ol.

Moa long en tu, Mista Apuki i tokaut olsem ol tisa bilong em husat save tisis Sains lesen i amamas long kisim ol nupela infomesen long maus bilong ol wokman na teknikal opisa stret.

Ramu NiCo (MCC) i bung wantaim tim bilong Gavman tim long karimaut wanpela wan wik aweanes long DSTP stat long Bogia distrik, Sumkar na Madang.

Awenes i bin stat long Bogia long St Martin praimer skul long Lilau long Tunde, Mas 14, na bihain long Trinde long Matugar viles long Sumkar, na long Fraide, Mas 17 i bin kamap long Siar viles long Madang distrik.

Insait long dispela aweanes ol opisa bilong Gavman na Ramu NiCo (MCC) Helt, Sefti na En-vairomen Dipatmen i tok-save na givim infomesin long wok bilong DSTP sistem we Kampani (Ramu NiCo-MCC) i yusim i stap nau long Basamuk Rifaineri long Raikos distrik.

Bikpela samting long dispela DSTP aweanes em taim ol opisa i tokaut long ol pipel long ol kostal viles komyuniti olsem dispela sistem em Ramu NiCo i yusim long tro-

moi pipia bilong en i go daun long plua aninit long solwara em seif.


Ol lain bilong Gavman husat i helpim ol lain Ramu NiCo HSE tim long tok klia long tinting bilong gavman long Projek na DSTP em Mineral Risos Atoriti (MRA) na Konsevesen na En-vairomen Proteksen Atoriti (CEPA).

Moa long en tu, long dispela aweanes ol opisa bilong gavman olsem Robert Sine bilong CEPA i klia tru olsem dispela DSTP sistem em ol narapela maining kampani long PNG tu i yusim nau i stap. Pastaim tru em Misima Mains long Milen Be i bin yusim DSTP sistem. Tude, tupela maining kampani husat i go het long yusim DSTP sistem em Lihir Gold Main na Simberi Mains long Niu Ailan provins.

Gutpela bekim i bin kamap long ol lain long Bogia long Lilau komyuniti taim Het Tisa long St Martins' praimer skul, Benny Apuki i tok ol pipel i amamas olsem Ramu NiCo wantaim lain bilong gavman i go aut long tok-klia na givim infomesin long wok bilong DSTP long Basamuk.

Em i tok planti taim kain kain paol toktok save kamap olsem ol pis long solwara i dai bikos long kemikol i go daun long solwara long Basamuk Be. Dispela em gi-aman toktok.

Moa long en tu Mista Apuki i amamas olsem Ramu NiCo i bringim aweanes i go long ol skul sumatin tu bikos ol dispela lain bai kamap lida na hetman na meri long bihain taim, na em gutpela olsem ol i mas kisim stretpela infomesin long tok-klia long papamama bilong ol na ol arapela long famili.



Toua i trening long OWI



Dika Toua i trening long Osenia Weightlifting Institut (OWI) long Nu Kaledonia.

KOMONWELT gol medal wina bilong Papua Niugini, Dika Toua, i go bek long trening long Osenia Weightlifting Institut (OWI) long Nu Kaledonia na em i stap long gutpela fom.

Het kosa bilong OWI, Paul Coffa, i tok olsem Toua i trening strong na em i stap long gutpela mak.

Em i lukluk long winim narapela gol medal gen long

2018 Komonwelt Gems long Goald Coast, Australia.

Toua i winim gol medal bihain long em i apim 193 kilogram na winim rekot bilong 2014 Glasgow Komonwelt Gems.

"Nau Toua i stap long gutpela mak stret we em i winim tu bipo mak bilong em long winim gol. Em bai winim bek gol bilong PNG," Coffa i tok.

Coffa i tokaut olsem Toua i abrusim namba wan ples long Komonwelt renking bihain long em i mekim gut long 2017 Australian Intenesenel Open resis long Mas 17 i go inap long 19 long Melbourne, Australia.

Nau, Toua i trening long OWI wantaim susa bilong em Thelma, Lorraine Harry, Morea Baru, Toua Undia na Steven Kari.

Saina i lukim gut kala bilong PNG Tebel Tennis

GAVMAN bilong Saina aninit long Embasi bilong Saina long Papua Niugini i laik long lukim Tebel Tennis spot i kamap bikpela long kantri wantaim bikpela sans long

las wik Fonde long givim ol spot ikwipmen em embasi i givim long en.

Gengshen i amamas long skil na talen bilong ol PNG etlit bihain long ol i bin lukim

Saina," Gengshen i tok.

Tresera bilong PNG Tebel Tennis Federesen, Rea Loi, i tok tenkyu long Gengshen na Embasi bilong Saina long ol i sapot na ol hai kwaliti



resis long moa wol iven.

Kaunsila long Embasi bilong Saina long Pot Mosbi, Wang Gengshen, i tok Saina em i supa pawa long Tebel Tennis na em i laik lukim PNG i ken i gat wanpela wol klas etlit long wanpela taim long resis egensim ol na ol narapela wol sempion.

"Saina em i top kantri long wol long Tebel Tennis spot na mipela i ken sapotim ol PNG etlit na kosa wantaim skil na save bilong mipela aninit long senis program na trening," Gengshen i tok.

Gengshen i bung wantaim presiden bilong PNG Tebel Tennis Federesen, George Shao, na wantaim ol etlit na opisal long Pot Mosbi long

sampela gutpela Tebel Tennis talen long vidio so bilong intenesenel iven i bin kamap long Pot Mosbi long las yia.

"Mi gat bikpela amamas long skil na talen mi lukim we ol i pilai hariap na ol i gat gutpela bodi kwaliti," Gengshen i tok.

Aninit long 12 Tebel bilong resis wantaim sampela bal, ol reket na ol narapela ikwipmen, Gengshen i lukim olsem dispela bai strongim ol na bai gat bikpela laik long spot na bai kirapim tingting bilong ol PNG etlit na opisal.

"Mi ting olsem aninit long dispela kain spot, wanpela taim PNG bai kamap wanpela wol sempion olsem

Woklain long Embasi bilong Saina long PNG i givim ol Tebel Tennis spot ikwipmen i go long PNG Tebel Tennis Federesen.

spot ikwipmen bilong trening na pilai.

"Dispela ikwipmen em ol bikpela samting na mi gat bikpela amamas long Embasi bilong Saina long dispela sapot.

"Mipela i lukluk long ol Tebel Tennis Federesen long ol narapela provins bilong skelim olgeta ikwipmen wantaim ol," Lio i tok,

Johnny Liu bilong Saina-PNG Frensip Asosiesen i givim K20, 000 na Leo Entaprais i givim K10, 000 na George i tok tenkyu long dispela kontribusen.

Trukai i joinim Cowboys grup long POM na Townsville sevis



Brent Tate bai kam long PNG long Fraide.

BIPO Intenesenel, Kwinslan Orijin na Not Kwinslan Cowboys top pilaia, Brent Tate, bai joinim menesmen bilong Trukai Industries long namba wan dairek ran bilong balus namel long Pot Mosbi na Townsville long Fraide, 31 Mas.

Air Niugini na Kwinslan Eiapot bai statim ran bilong balus namel long Pot Mosbi na Townsville long Fraide na Cowboys i skelim wanpela sit wantaim namba wan patna bilong ol, Trukai, long dispela namba wan plait.

Tate bai join wantaim Cowboys Jenerel

Menesa Komesal Bisnis, Jeff Reibel, long kam long wanpela promosen ol i mekim long Pot Mosbi bipo long ol bai joinim Jenerel Menesa Sels na Maketing bilong Trukai Industries, Andrew Daubney.

Tate bai go raun long Nesenel Futbal Stadium na em bai lukluk raun long ol narapela fesiliti na toktok wantaim ol pilaia bilong ol Hunters.

Bihain em bai givim sapot bilong em long Life Care PNG na City Mission na toktok wantaim ol pikinini husat i laik kamap sapota bilong ol Cowboys.

Ol 6-pela netbal pilaia i go long Singapore

SIKPELA netbal pilaia i lusim kantri long Mandena i go long Singapore bilong resis long 2017 Netbal Supa Lig insait long 6-pela wik.

Ol 6-pela em ol pilaia bilong PNG Pepes we Netbal Singapore i makim ol long pilai long domestik resis long Singapore.

Siameri bilong Netbal PNG, Julienne Leka Maliaki i soim amamas na tok tenkyu long Netbal Singapore.

"Netbal PNG i amamas long Netbal Singapore i sapotim ol long Hai Pefomens Program.

"Long soim kala bilong mipela long dispela hai level resis bai strongim ol pilaia na soim gut kala bilong ol PNG Pepe," Maliaki i tok.



Ol 6-pela netbal pilaia i go long Singapore bilong resis long 2017 Netbal Supa Lig.

POM Gen i winim Pul A resis bilong ol man

Philemon Tame i raitim

FINAL bilong NCD Kopret Volibal resis i lukim ol POM General Hospital i kisim namba wan ples long Pul A na ol NCD i daunim ol City Parmicy Limited (CPL) long kisim top ples bilong Pul B resis bilong ol man.

Long divisen bilong ol meri, ol MJ Electrical na Fairfax soim olsem tupela i strongpela tim long Pul A na B.

Namba wan raun namel long Pul A resis bilong ol man, Pom Gen i stap pas wantaim 26-25 poin egensim ol ANZ Bank.

Tasol ol ANZ i bekim skoa bilong ol long namba tu hap bilong resis, bipo long ol Pom Gen i daunim ol wantaim 26 poin long namba tri hap bilong resis.

Ol sapota i laikim moa ol NCD long Pul B resis bilong ol man we ol i bin daunim ol CPL Boi.

Fainal resis bilong ol meri lukim ol Fairfax i daunim ol IRC wantaim 3-1 poin long Pul A na Ol MJ Electrical i daunim ol NCD gel.

Tim husat i kamap namba 1 long ol wan wan divisen bilong NCD Kopret Volibal resis i wok-about wantaim wantaim wanpela tropi na K2000 kes mani.

Tim i kamap namba tu long ol wan wan divisen i winim wanpela tropi wantaim K1000 prais mani na tim i kamap namba tri ples i wokabout wantaim K500.

Dispela resis i lukluk long promotim gutpela laipstail na strongim ol lain long kamapim pren wantaim ol narapela lain.



Ol pilaia bilong MJ Electrical i redi long pilai egensim ol NCD gel. MJ i daunim ol NCD long Pul B resis bilong ol meri.



Ol pilaia bilong tim POM General Hospital i sanap bung wantaim long kisim poto.

Hunters i lus namba wan taim

Philemon Tame i raitim

OL SP PNG Hunters i lus namba wan taim long raun namba 4 bilong 2017 Intras Supa Kap salens.

North Devils i daunim ol Hunters, 32-18, long ai bilong 5000 na moa sapota bilong ol Hunters long asples bilong ol, Nesenel Futbal Stediam long Pot Mosbi.

Kosa bilong SP Hunters, Michael Marum, i tok olsem ol Hunters i lus bikos referi i senisim stail bilong em long namel long gem.

“Referi i senisim stail bilong em long lukautim gem liklik long namel bilong gem na dispela i ken bagarapim tim,” Marum i tok.

Em i tok moa olsem ol i no win bikos ol i no pilai gut long namba



Kosa bilong PNG SP Hunters, Michael Marum.

wan hap bilong resis na stat bilong namba tu hap we referi i givim 4-pela penelti egensim ol Hunters.

“Mipela i no stat gut we planti penelti i kamap egensim ol Hunters na ol Devils i putim 4-pela trai,” Marum i tok.

Kosa bilong ol Devils, Mark Glid-

don, i tok, gem i kamap namba wan tru na ol pilaia bilong em i bin wok hat tru long kamap wantaim dispela risal.

Gliddon i tok tenkyu long Marum na ol Hunters lukautim ol gut long taim ol i stap long Pot Mosbi

Nesenel Swiming sempion bai kamap laip long wiken

TAURAMA Akwatik Senta long Pot Mosbi bai pulap wantaim ol swima na ol manmeri na pikinini taim 2017 Theodist Nesenel Swiming Sempionsip bai kamap laip long dispela wiken, Mas 31 i go inap long Epril 2.

Dispela yia resis bai bungim ol namba wan etlit long PNG na long ol narapela kantri long luksave long strongpela swiming resis.

Presiden bilong PNG Swiming Inc (PNGSI), Elizabeth Wells, i tok olsem 84 swima bai resis long

wiken. Sampela bilong ol bai luksave long namba wan nesenel resis wantaim ol sisen nesenel na ol intenesenel swima.

“Mipela bai lukim sampela namba wan kala bilong ol swima bilong mipela bai resis long olgeta divisen bilong swiming,” Wells i tok.

Em i tok moa olsem ol swima bai resis long kisim ples long ol intenesenel swiming resis bai kamap long 2017 olsem Komonwelt Yut Gems, 17th FINA Wol

Sempionsip, Esien Indo na Masol Ats Gems SC Swim resis na Junia FINA Wol Sempionsip.

“PNGSI bai makim ol skwat bilong go resis long Osenia Sempionsip 2018,” Wells i tok.

“Resis bai redim wanpela sans bilong ol etlit bilong mipela long go insait long BSP Kundu Nesenel Akwatik Ekselens Skwat.”

Boroko Amateur Swiming Klap na ol Eksekutiv bilong PNGSI bai go pas long dispela resis.



INVESTMENT TOKTOK wantaim DR. STEPHEN NASH

‘Tingting long takis’

Sapos yu gat askim orait salim i kam long; toktoksuper@nambawansuper.com.pg na mipela bai bekim.

Ol sistem bilong takis i bin kamap long we bilong wan wan lo insait long planti yia; winim planti 100 yia. Olsem ol man i save toktok, i gat tupela samting tasol yumi save long en; ‘dai na takis.’

Tasol wanpela bilong dispela tupela samting, ‘takis’ i luk olsem em i lusim pinis pastaim luksave bilong em we bipo em i gat, taim ol kampani i wok long kisim strong long teknoloji, long ol i transfere o salim ol mani i kam insait bilong bikpela takis i go long ol lo bilong daunim takis. Teknoloji nau i wok long mekim ol tingting nating i kamap tru. Wanpela tingting tasol em i winim ol narapela em; ol kampani i stap yet long strong bilong fanding, na long kisim fanding, ol kampani i save givim ol data o ripot i go long ol invesmen analis em ol lain bilong skelim ol invesmen. Bikpela samting me dispela ripot we ol atoriti bilong takis bai yusim sapos ol i lainim teknoloji hariap na ol lain i yusim long abrusim takis.

Taim ol papa bilong teknoloji bisnis i kisim ples bilong fomol wantaim infomol, em olsem siot em i saisim ol stret! Ol ‘snika su’ na strongpela su bilong sios, long takis, teknoloji. Wanpela kain fomol samting i kamap. Kirap nogut tasol, bisnis bilong teknoloji i kamap olsem hait samting. Kirap nogut, dispela hait samting we ol teknoloji bisnis kampani i save tok long en, em i lus, na i no gat nois moa long yau bilong olman. Yumi tingting planti nau. .

Wanpela eksampel olsem, yumi tingting planti olsem free-wheeling, i-putim siot, teknoloji bisnis lain i no bin tok tru olgeta, na dispela kain toktok bilong gutpela na moa fri, moa naispela wol, em i samting we i no go gut wantaim tingting bilong em yet long mekim mani bilong em yet. Na tu yumi tingting planti tu olsem teknoloji bisnismen em i wanpela misineri bilong ol gutpela samting bilong helpim ol pipel, o em i wanpela misineri bilong mekim benk akaun bilong em i go bikpela moa.

Ol dispela askim i stap yet, na i no klia long sampela yet, ol globol gavman nau i wok long resis long save gut long ol hevi bilong takis, olsem maltinesenel, long ol teknoloji we i karam-paim maltinesenel, we i wok long ol kantri tasol i no save baim takis na sapos i gat takis long ol kampani we ol i wok wantaim.

Tasol, long skelim ol dispela operesen, o long skelim ol mani i kam insait, na yusim ol propit majin we i stap pinis, wanpela kain takis inap long kamap klia na stret we gavman yet i kaunim; aninit long wanem kain lo. Dispela mani mak em ol i kolim long ‘deemed’ takis, na namel bilong ‘deemed’ takis, na takis tru ol i baim, em i ken go antap long ol kampani we i save wok aninit long globol bilong takis. Sapos ol i no baim takis em bai ol i kisim mekim save i wankain olsem ol takis i save stap bipo.

Mekim klia moa, em ol kampani i mas kaunim ol mani ol i kisim, olsem bilong kisim ikwiti na fanding bilong ol dinau. Olsem na dispela ripot nau em i stap ples klia we ol industri analis i wok long yusim long sekim ol kampani lista, na long helpim ikwiti na dinau investa long mekim disisin long baim o salim ol sekyuriti we ol dispela kampani i putim aut. Sapos i no gat ol dispela ripot, ol investa bai i no inap long sekim strong bilong wan wan kampani. Olsem data o ripot em i stap pinis, tasol ol opisa bilong kisim takis i no wok long yusim gut inap nau.

Wanpela piksa o eksampel we inap helpim long mekim dispela tingting i kamap klia.

Sapos ol i salim wanpela mobail long wanpela hap orait em i mani bilong wanpela. Nau industri data i stap we i soim stret propit majin o mak bilong propit long wan wan na olgeta samting we i mekim mani. Olsem na eksampel olsem, sapos ol i salim mobail fon long USD 500, ol industri analis i save long majin propit bilong dispela; em i no samting bilong tok pait. Eksampel, sapos majin long wanpela mobail fon em i 25%, wanpela man i ken kamapim wanpela deemed propit olsem USD 500 kaunim wantaim 25% long wan wan mobail fon; USD 125 long wan wan mobail fon.

Nau sapos i gat 100 kain samting we ol i salim long wanpela hap, orait em i min olsem i gat propit olsem USD 12,500, insait long wanpela takis taim. Na tu sapos wanpela kampani we i gat kwesten long en, i baim USD 2,500 takis, insait long wanpela taim bilong baim takis, orait wanpela gavman inap long ‘deem’ o ting olsem USD 12,500 em dispela kampani i bin kamapim long dispela hap, na em bai sasim kampani long mani mak namel long takis tru we em i bai na mani mak we ol i tingim, o ‘deemed’ mak.

Maski i gat hevi bilong rausim mani long kampani takis i stap long ol bikpela maltinesenel kampani em i wanpela bikpela tru long Australia, taim em i wok long redi long lukim nupela baset bilong en, PNG i lukim wankim hevi tu. Em bai gutpela sapos, tingting bilong ‘deeming’ inap long helpim liklik wanpela gavman we i wok long painim ol kampani long bai ol takis bilong ol gut, we toktok bilong wokim, i ‘fe’ i wankain long hamas mani i kamap na kaunim wanpela mak we industri i laikim mas kamap. Wanpela hevi bilong dispela kain wei, namel long ol narapela hevi em olsem dispela i save go long ol kampani we i stap long lista na i save givim ripot olgeta taim, tasol ol kampani we i no stap long lista tu i mas gat wankain ripot. Narapela hevi em long wanem kain tingting nau ol lain kampani i stap long lista bai gat long dispela kain takis; sampela bai traim long pasim ol ripot na sampela ating bai i no inap long putim aut ol mani ripot bilong ol.

Hia em ol tingting i stap antap em i olsem aidia o tingting tasol, na i no stret olgeta, tasol tingting bilong bungim ol ripot we ol kampani i kamap long kisim fanding, i go long takis bilong ol kampani, inap tru long soim olsem em i stret, na ol inap long yusim, insait long ol gavman husat i laik long stretim ol maltinesenel takis, long kain taim bilong teknoloji i senis hariap, hariap.

1Frankin B. ([1789-90]1907, The Writings of Benjamin Franklin, Vol. X, Smyth, Albert Henry (ed.) New York: MacMillan. p. 69; DeFoe, Daniel (1726), The Political History of the Devil, As Well Ancient as Modern: In Two Parts, London: Black Boy in Pater-noster Row. p. 269.



Long kamap Nambawan pren bilong yu na famili; halivim, strongim na lukautim moni gaden bilong yu nau na bihain.

BIGGER, BETTER, SAFER, STRONGER AND STILL NUMBER 1



PNG na Tahiti i bung long stretim wanpela hevi insait long pilai graun long pilai bilong ol long las wik Fonde.

Pilaia bilong Tarangau i kalap antap long pilaia bilong West long traim long takolim em long Pot Mosbi Ragbi Lig resis.



Pilaia bilong Bears i putim gut tru was long bal long pilai bilong ol wiken. Bears bai pilai wantaim Sisters long Gren Fainal bilong ol meri sofbal long dispela wiken.

Pilaia bilong Gurias i pasim bal taim pilaia bilong Uni i kam long stopim em long PMSA pri sisen semi fainal. Guria i win na go pilai wantaim Mungkas long Gren Fainal.

Pawa meri bilong Mungkas i pasim bal long gren fainal pilai bilong ol wantaim Guria.




Pilaia bilong Mungkas 2 i banisim bal long pilaia bilong PS Rutz long semi fainal bilong pri sisen bilong PMSA.

Pilaia bilong PS Ruts i lukluk long salim bal long wan pilaia bilong em taim pilaia bilong C Group i ran kam long pasim em.



Lok fowod bilong SP Hunters i redi long brukim banis bilong North Devils long wiken pilai bilong ol long NFS. Devils i winim Hunters 32- 18.

Blend Abavu i redi long go daun long putim trai bilong ol Hunters. PNG SP Hunters i go daun long ol Devils.



WHITE TUNA FLAKES
DIANA White

WHITE TUNA
insait
K 2.20



Manufactured by:
RD Tuna Cannery Ltd.



Tasty and Flavourful White Tuna for Everyone!

Tupela brata bai go pas long raun 5 resis



Ase Boas i sanap long rait han na i lukluk long ol poro pilaia bilong em i takolim wanpela pilaia bilong ol North Devils long resis i kamap long las wiken. Nau, Ase na brata bilong em, Watson, bai go pas long ol Hunters long raun namba 5 resis egensim ol Mackay Cutters long Australia long dispela wiken.

Lukim stori i stap long pes 26...

TUPELA brata, Watson Boas na Ase Boas bai go pas long raun namba 5 resis bilong ol Hunters egensim ol Mackay Cutters long Australia.

Long liklik senis i kamap long ol Hunters, Watson Boas i joinim lainap na i kisim hapbek posisen na Ase bai pilai faiv-eit.

Kosa bilong ol SP Hunters, Michael Marum, i tok Watson i bin pilai gut na dispela i pusim em i go insait long ol pilaia bai pilai long namba wan hap.

“Watson, Ase na Gahuna bai stiaim tim long pilai graun,” Marum i tok.

Long ol narapela senis ol i bin mekim, Israel Eliab bai pilai senta, Bland Abavu bai pilai fulbek na Stargroth Amean bai pilai long wing. Karo Kauna Jr bai pilai long narapela wing.

“Lo bilong QRL i rausim Wellington Albert bihain long em i bin givim wanpela solda sas long wanpela birua pilaia,” Marum i tok.

“Ol i kliaim Moses Meninga bihain long ol i sasim em long apim birua pilaia na em i stap long namba tu row wantaim Nixon Put.

Ol 20 man skwat ol bai rausim tupela em;

- 1 Bland Abavu,
- 2 Stargroth Amean,
- 3 Israel Eliab,
- 4 Willie Minoga,
- 5 Karo Kauna, Jnr,
- 6 Ase Boas (Kepten),
- 7 Watson Boas,
- 8 Henry Wan,
- 9 Gahuna Silas,
- 10 Esau Siune,
- 11 Nixon Put,
- 12 Moses Meninga,
- 13 Stanton Albert,
- 14 Noel Joel,
- 15 Enock Maki,
- 16 Ismael Balkawa,
- 17 Radley Brawa,
- 18 William Aquila,
- 19 Wawa Paul and
- 20 Butler Morris.

Raun namba 5 resis bai stat long 6.05 apinun long BB Print Stediam.

Smail Wantaim



Good Products, Better Prices, ikam long

Johnstons Pharmacies Ltd

P.O.Box 1066, Boroko, Papua New Guinea.

Tel +675 325 3185 Fax +675 325 0190 Email sales@johnstons.com.pg

Ol samting long klinim tit.